

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

32 pes

Namba 974

Wik i stat long Fonde, Mas 4, 1993.

40 toea

Diwai brukim haus bilong famili



• Wanpela famili long Kaunsil kem, Wes Goroka i nogat haus nau long slip bihain tasol long wanpela diwai i pundaun antap long haus bilong ol. Famili i bilong Bena Bena.

Papa bilong famili, Nick Figae i tok taim win i wok long go strong, em save olsem em bai i gat birua. Olsem na em tokim famili i go ausait na diwai i bruk na pundaun antap long haus bilong ol. *Poto: Sape Metta.*

SIK AIDS MAK ABRUSIM 100

HARLYNE JOKU I raitim

I GAT sampela olsem 103 pipel long Papua Niugini husat i gat HIV binatang bilong sik AIDS long bodi bilong ol.

Long dispela namba, samting olsem 56 i kisim pinis sik AIDS na i dai long en.

Minista bilong Helt, Francis Koimanrea i bintokaut long dispela insait long ripot bilong em long Palamen long asde.

Tasol minista i tok, dispela namba i soim tasol wanem samting i kamap nau long kantri. Na ating i gat moa long wan tausen manmeri wantaim dispela binatang bilong sik AIDS long Papua Niugini.

Long dispela ripot bilong em, Mista Koimanrea i tokaut tu olsem planti bikipela sik i wok long bruk na kamap bikipela nau long kantri. Em i kolim nem bilong sampela olsem sik TB, ol sik bilong pasin pamuk olsem gonoria, sipilis na AIDS, lewa i pen, kensa na ol planti arapela sik nogut.

Em i tok dispela i kamap bikos i no gat gutpela helt kea program bilong tok save na helpim ol pipel long daunim na abrusim ol dispela sik. Na sapos gavman i no lukluk na stretim dispela, Papua Niugini inap kamap olsem narapela Afrika we i

pulap tru long ol sikman, meri na pikinini.

Planti mama na pikinini long Afrika i no gat papa bikos ol i dai pinis. Na ol haus sik oltaim i save pulap long ol lain husat i kisim taim long sik AIDS.

Long dispela taim, em i tokaut tu olsem hevi bilong sik pekpek wara, bun nating na bikbel i no senis yet namel long 1960 na 1990. Dispela long wanem no gat bikipela wok i bin kamap bilong

traim daunim ol dispela sik.

Em i tok, "Nau olsem minista bilong Helt, mi laik lukim dispela olgeta samting i senis na Papua Niugini mas kamap gut."

Na em i tok long mekim olsem, bikipela wok i stap long ol lida long go pas na soim rot. Long dispela, ol bai lukluk tu long hamas mani na helpim dipatmen i save kisim na brukim long wan wan provins.

LUKIM INSAIT:

- Ol Palamen Ripot ...p2
- Stori bilong ol memba...p4
- Isten Hailans ileksen...p5
- Hevi long Bogenvil...p10



....Moa poto na stori

NUPELA WANTOK RESIS

Plis painim loya meri na BRA sapota

PLIS long Papua Niugini i wok long painim nau wanpela loya meri bilong Australia, Rosemary Gillespie. Bikos em i brukim sampela lo bilong kantri.

Praim Minista Paias Wingti i bin tokaut long dispela taim em i bungim ol niusman long asde. Em i tok Mis Gillespie i bin kalapim boda i kam insait long kantri na i no kisim tok orait bilong gavman.

Mista Wingti i tok long taim ol BRA i bin kukim ol

gavman haus long Arawa na kilim 8-pela soldia, Mis Gillespie i bin stap long Arawa long Not Solomons provins.

"Mipela i harim olsem em i kisim tupela man bilong BRA husat i kisim bagarap i go long Honiara long Solomon Ailan bilong kisim marasin. Na dispela pasin i brukim lo bilong PNG," Mista Wingti i tok.

Em i tok Mis Gillespie i no ken tok olsem em i wanpela meri husat i

sapotim rait bilong ol pipel. Bikos em i sapotim ol pipel husat i bagarapim ol samting bilong gavman na laip bilong ol pipel.

Praim Minista i tok, "Pasin em i mekim i soim olsem em i sapotim ol dispela lain. Na mipela i tingting planti long pasin meri ya na ol narapela lain i mekim."

Em i tok tu olsem Mis Gillespie na ol narapela lain i rong sapos oli laik sapotim tingting bilong ol sampela

pipel long kisim independens. Bikos olgeta kantri long wol i luksave olsem hevi bilong Bogenvil i wanpela samting bilong PNG yet long stretim.

Mista Wingti i tok planti pipel bilong Bogenvil i sapotim gavman. Na ol i laikim hevi long pinis na gutpela sindaun long kamap gen.

Na gavman i no laikim pasin bilong Mis Gillespie na ol sampela lain. Na ol i wok long painim sampela rot long kisim em na ol pren bilong em i kam long PNG.



HINO. BOS BILONG OL HAIWE.

Hino

Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Madang na Lae pis fektori bai redi nau

WOK bilong pis fektori long Madang na Lae bai pinis long dispela mun na mun Epril.

Fektori long Madang bai stat kisim ol pis long mun Ogas. Na fektori long Lae bai stat wok long mun Desemba long dispela yia. Tred na Industri ministra, David Mai i bin tokim Palamen long dispela long Tunde, 2 Mas.

Mista Mai i bin tok olsem Z Pis Fektori bai bringim 12-pela sip bilong ol long kam pulim pis long solwara bilong Papua Niugini. Na ol bai wok long painim ol tuna pis na putim long tin, wok ol kaikai bilong ol dok na pusi na ol arapela kaikai bilong salim long PNG, Yuro na Amerika.

Em i tok olsem ol dispela projek bai kamapim ol planti bisnis long sait. Dispela em bisnis bilong wokim ol tin bilong putim ol pis, bensin, pawa, wara, sol, woksap bilong sip, haus, PMV, salim kaikai na ol planti arapela samting.

Mista Mai i tok bihainim tasol tok orait bilong gavman long Z Pis kampani long wokim fektori long Madang, planti arapela kampani nau i askim gavman long kam mekim wankain wok long kantri. Na gavman i toktok nau wantaim ol kampani long kirapim tupela pis fektori long Niugini Ailan rijon.

Ol tupela kampani ol i toktok wantaim nau em ACME Grup

bilong Westen Australia na Starkist Grup bilong Amerika.

Mista Mai bai givim ripot bilong dispela ol miting long Palamen bihain.

Long toktok bilong Lae Pis Fektori, Mista Mai i tok ol i bin sainim wanpela tok orait pepa wantaim Kumpulan Grup bilong Malesia long mun Oktoba las yia. Na ol bai wokim fektori long hap.

Aninit long agrimen ol i bin sainim las yia, Mista Mai i tok ol PNG manmeri i ken baim 40 pesen sea long dispela kampani. Dispela kampani, FIMA, i bin stat long 1972. Na long dispela taim i kam inap nau, ol i bin gro na kamap wanpela bikpela bisnis tru.

Na ol i gat bisnis long sait bilong wok egrikalsa, wokim ol klos samting, wokim na salim haus na ol arapela. Long 1987, ol i bin wokbung wantaim Marushin Kaisan bilong Japan. Na ol i bin ranim wanpela pis fektori long Malesia yet.

Dispela fektori bilong ol i save kamapim 500,000 katen pis long olgeta yia. Long dispela Lae Fis Fektori i gat sampela samting bosim wok bilong ol. Na dispela em;

- Ol prais bilong ol fis ya bai bihainim tasol lo bilong prais kontrola long kantri;
- Olgeta samting ol i mekim insait long fektori mas bihainim tasol lo

bilong mekim kaikai long PNG;

- Kampani i mas mekim kain kain tin pis olsem '777' na ol arapela;
- Kampani mas mekim wanpela envairomen plen na givim long gavman long lukim pastaim long ol i stat wok; na

• Gavman bai sapotim ol long daunim takis bilong kisim ol samting i kam insait long kantri na apim pe bilong ol pis ol pipel i laik baim long ausait. Dispela em long traime helpim kampani long wok gut.

Mista Mai i tok olsem Lae Pis Fektori bai kamapim 260 wok. Na olsem fektori long Madang ya, dispela projek bai kamapim planti arapela bisnis long sait.



Kisim marasin...APO bilong ples Wagu long Is Sepik provins i givim marasin long ol sikman arere long wanpela bikpela wara long ples Bitara long Is Sepik yet.

Atoriti kisim ples nau long Buka

CHRIS HAKENA
i raitim

BUKA i gat nupela taun atoriti.

Nem bilong dispela taun atoriti em Buka Taun Menesmen Komiti (BTMK). Na ol i bin kamapim dispela komiti long 7 Mas, 1992.

Distrik sevises long Buka i bin givim dispela wok i go long BTMK long wanpela kibung em ol i holim long Buka.

Ol i bin kirapim dispela atoriti long kisim ples bilong Not Solomons Kapitel Atoriti (NSKA) em dispela hevi i bin bagarapim.

Arawa nau i no stap yet aninit long lukaut bilong gavman olsem

na ol i kirapim dispela atoriti long kisim ples bilong NSKA inap long taim gavman i givim sampela mani long Arawa.

Long mun Septemba 1992, Provinsal dipatmen i bin givim K191,491,00 long helpim statim wok bilong dispela atoriti.

Bihain long Disemba ol i kisim gen K55,000 long helpim long wok bilong ol.

Taim ol i stretim pinis olgeta pepa bilong kamapim dispela atoriti, ol Buka Interim Atoriti i makim wanpela bot bilong lukautim dispela wok,

Ol bot memba husat bai holim dispela wok nau em long Goerge Lessi olsem siaman, Steven Burain olsem

namba tu siaman, Kris Hakena bai makim maus bilong Taun komuniti, Willie Moni bai makim maus bilong Sohano, Leo Kehali long makim maus bilong ol Bisnis, Thomas Anis bai mausman bilong Buka Interim Atoriti na Aron Rigamu bai sanap makim ol Hahela, Hutjena na Kubu.

Olpela taun menesa bilong Not Solomons Kapitel Atoriti, Julius Longa i kamap nau olsem Taun Menesa bilong Buka Taun Menesmen Komiti.

Bihain tasol long gavman i givim mani long stretim Buka taun, ol bikman bilong Buka i go het long stretim taun bilong ol wantaim ol wok olsem klinim Buka taun, Sohano, Kubu na Hutjena.

Ol i stat pinis tu long wokim ol haus win, pablik toilet, stretim rot namel long Buka, Hutjena, Kubu na Sohano.

Wok i go het tu long stretim Buka maket.

Sampela wok em BTMC bai mekim yet em long wokim wanpela haus bilong Buka Taun Biding Atoriti, kamapim ol rul bilong lukautim taun bilong ol, sanapim ol strit lait, wokim ples bilong ol outbot moto long kam sua arere long Buka maket, na stretim wok bilong ol yut grup long wokim komuniti wok.

Helt dipatmen makim Bogenvil olsem namba wan wok

HARLYNE JOKU i raitim

WANPELA bikpela samting Helt dipatmen bai lukluk long en long dispela yia em long bringim ol helt sevis i go long Bogenvil ailan.

Minista bilong Helt, Francis Koimanrea i tok em i amamas tasol long ol wok go het bilong helt sevis long hap. Long nau i gat 6-pela helt senta, 19 sab helt senta, 42 edpos, ol klinik bilong ples, Buka taun klinik na Sohano opreting tieta i wok. Na

em i tok ol i makim pinis K20,000 bilong stretim na pinisim olgeta samting long hap.

Ol ripot i tok olsem i gat 177 man nau i wok long ol haus sik na klinik long Bogenvil. Na dispela i karamapim ol helt woka, ol ekstensen opisa, ol nes na ol edpos odali.

Mista Koimanrea i tokaut long Palamen kibung asde olsem i gat 6-pela dokta pinis long ailan. Na long

olgeta mun, ol speselis dokta long Rabaul i save go sekim ol sikman long hap. Na wanpela praivet dokta long Rabaul tu bai go wok long Buka.

Em i tok long taim ol i stap long hap, ol dokta na helt woka bilong Papua Niugini Difens Fos i save helpim ol sikman long hap. Na wok bilong stretim ol tit tu i kirap pinis long sampela hap bilong Bogenvil.

Em i tok, "Long nau yet, mipela i wok long lukluk na wet tasol i stap. Taim Dipatmen

bilong Not Solomons i givim tok orait, gavman bai bringim ful helt sevis i go long hap."

Wanpela grup bilong Helt dipatmen bai go long Bogenvil long dispela mun bilong sekap long ol samting. Na bihain long wokabout bilong ol, ol bai givim moa gutpela ripot.

Sampela bilong ol narapela samting em minista i toktok long en em:

• kirapim na strongim wok bilong bringim ol helt sevis i go long ol pipel.



TORO
TORO WOK OLSEM SEKURITI LONG HAPPLES WE OL I SAVE PUTIM OL MAN INDAI... MOG.

OLGETA TAIM EM I SAVE PILAI PILAI WANTAIM OL INDAI MAN INSAIT LONG MOG...
HA! HA! HA! BAI YU PILIM PEN, AHZ YU DAI PINIS, SOREQ!!

NAU PODO BILONG EM I TINGIM WANPELA AIDIA NA GO SIUP WANTAIM OL INDAI MAN...
HE! HE! HE! NAU BAI TORO I PAIA STRET... EM I SAVE BAGARAPIM OL INDAI MAN...

INDO LONG NA TORO I GO KAMAP NA PILAI PILAI I STAP WANTAIM OL INDAI MAN...
HAIO, MAI BRO! HEYZ MI SAVE LONG YU! STAP ISI, AH?
HA! HA! HA! BAI YU STAP ISI STRET... KAM HIA!

EM I GO KAMAP LONG PODO BILONG EM HUSAIT I GIAMAN SILIP I STAP NA TORO PILAI LONG EM... NAU BAGA NOGUT APIM HAN TASOL NA HOLIM NEK BILONG TORO...
MAN TORO BIKMAUS NOBIT TRU NA PISPIS NA PEKPEK.

WANTOK

NIUSPEPA BILONG OL PAPUA NIUGINI STRET

Wan kantri wan pipel

Dispela wik long palamen memba bilong Madang, Stanley Pili mekim strongpela toktok long PNG i mas kamapim wanplea song na bilas bilong kantri. Olgeta memba i wanbel long dispela toktok na sapatim mosen bilong memba.

Dispela tokok bilong song na bilas bilong PNG em i no nupela. Bipo long taim bilong Somare/Chan gavman ol i bin makim Fraide olsem Toana De. Na long dispela de ol manmeri i bilas long lapiap na meri blaus na pasim sulu na ol i go wok.

I bin gat planti resis tu i bin kamap long painim nesene song. Na nau yumi i gat wanpela pinis.

Tasol em i gutpela long ol memba i toktok strong long dispela tupela samting. Em bai mekim ol pipel i amamas olsem yumi i wan pipel na wan kantri. I no gat ol bikpela hevi i kamap. Ol trabel long Bogenvil tasol i kamapim liklik hevi yet long kantri bilong yumi.

PNG i wanpela strongpela demokratik kantri na yumi i laki long stap long kain kantri olsem.

Wokabaut bilong ol memba long Palamen: hap 4



Nem: Moi Avei
Ilektret: Kairuku-Hiri Open
Krismas: 47 yia
Pati: PAP

Mista Avei i bilong ples Boera long Sentrel provins. Em i marit na i gat foapela pikinini. Em i bin go skul long Australia na kisim digri bilong Solosol Wok long Yunivesiti bilong Kwinslen.

Bihain em i kam bek long Papua Niugini na wok olsem Dairekta bilong Welfea bilong ol Pikinini (1972-1973), na edvaisa bilong Sir Michael Somare (1973-1975). Bihain em i kirapim bisnis bilong em yet. Long 1987, em i bin resis long ileksen tasol em i lus.

Olsem na em i bin kamap edvaisa bilong deputi praim minista, Akoka Doi long 1988-1991. Long 1992, em i sanap gen long ileksen na em i win.



Nem: Ben Micah Allan
Ilektret: Kavieng Open
Krismas: 33 yia
Pati: PPP

Mista Micah i siaman bilong Bai-patisen Komiti husat i lukluk long wok bilong ol provinsal gavman long kantri.

Dispela em i namba wan taim bilong em long makim ol pipel bilong em long Nesene Palamen.

Pastaim long em i go insait long wok politik, Mista Micah i bin skul i go kamap long Yunivesiti bilong Teknologi long Lae. Na bihain long skul, em i wok olsem wanpela SDA tisa na akaunten. Bihain em i lusim na go long ples. Na em i resis long Kavieng sia long las yia (1992) na win.




Nem: Gerald Beona Motawiya
Ilektret: Kiriwina-Goode-nough Open
Krismas: 43 yia
Pati: PAP

Mama i bin karim Mista Motawiya long ples Yalum-gwa long Trobrien Ailan long Milen Be provins. Na em i marit na i gat 7-pela pikinini.

Em i bin skul long hap yet. Na bihain i go skul long Yunivesiti bilong Papua Niugini. Em i bin wanpela memba bilong Kirwina Lokol Gavman Kaunsil. Long 1982, em i sanap long nesene ileksen na i win.

Long dispela taim i kam inap nau, em i bin holim wok olsem asisten Spika, memba bilong konsitusenel lo na ekt komiti, na memba bilong Pablik Akauns Komiti. Em i bin wok olsem minista bilong Kalsa na Turisem na minista bilong Helt tu.



Nem: Andrew Baing
Ilektret: Markham Open
Krismas: 42 yia
Pati: PPP

Mista Baing em Edukesen minista nau long gavman. Pastaim long 1992 nesene ileksen, em i bin wanpela bisnisman.

Em i skul na kisim wanpela digri long wok bilong Gavman na Edministresen. Na i bin holim wok olsem wanpela Foren Afeas opisa. Em i resis wantaim 14 arapela kendidet long winim dispela sia nau em i holim.

Moa stori long ol memba neks wik

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Wingti na PNGCCI daunim toktok bilong Temo

GODFRIED NIAKA i raitim

PRAIM Minista Paias Wingti long Tunde i tokaut long Palamen olsem em wantaim ol lain husat i bin go long Indonesia long las mun i baim olgeta dinau long hotel pastaim long ol i kam bek long Papua Niugini. Praim Minista Wingti i tokim Palamen long dispela long bekim ol toktok bilong deputi

Oposisen lida, Anthony Temo, long dispela wokabaut.

Mista Temo i askim Praim Minista long tok kliia long wanem as tru na olino baim dispela dinau. Em i tok dispela dinau i bilong ples slip na bia. Na em i tok tu olsem Mista Wingti wantaim ol lain bilong em i lusim dispela dinau long han bilong

Papua Niugini Semba ov Komes na Indastri (PNGCCI) long stretim. Na bihain PNGCCI i askim Fainens Dipatmen long bekim mani em ol i yusim long bekim dispela dinau.

Mista Wingti i tok pastaim long ol i lusim Indonesia na kam bek long Papua Niugini, ol i bin stretim olgeta dinau bilong hotel na ol narapela samting.

"Dispela toktok bilong Mista Temo i no tru. Long wanem mi bin yusim K10,000 alawens bilong mi long helpim na bekim olgeta dinau pastaim long mipela i lusim Indonesia na kam bek long Papua Niugini," Em i tok.

Wingti i tok pastaim long em i bin lusim

Presidensel Pales em ol i bin stap long en, em i sekim menesmen bilong hotel em delege-sein bilong em i stap long en long painimaut sapos i gat sampela hotel bil i stap yet.

Em i tok ol lain husat i oganaisim dispela wokabaut i bin kamap wantaim wanpela agrimen olsem olgeta man insait long dispela grup i mas putim mani long helpim ol yet sapos wanpela i no inap long baim dinau bilong em. Olsem na em yet i bin tok save long ol wokman bilong em long yusim dispela K10,000 alawens long mekim dispela samting.

Wingti i tok no gat wanpela samting i fri. Olsem na sapos ol lida i laik developed kantri,

orait ol i mas redi long spenim mani.

Na long sait bilong Mista Temo i toktok long PNGCCI i baim dispela hotel bil em i toktok long en, presiden bilong PNGCCI Stan Joyce i tok olsem dispela i no tru.

Mista Joyce i tok em yet tu i bin stap insait long dispela grup bilong Mista Wingti husat i go long Indonesia long las mun. Na bipo long ol i kam bek, ol i baim olgeta dinau bilong ol.

"Taim mipela i kam long Papua Niugini mi no bin kisim wanpela toksave i kam long dispela hotel we mipela i bin stap long en long askim PNGCCI long baim wanpela hotel bil," Mista Joyce i tok.

Wara Sepik Developmen Atoriti kisim tok orait

MESERY GUBAG i raitim

LONG las wik Fonde, 25 Februari, Palamen i bin orait long wanpela mosen bilong kamapim wanpela Developmen Atoriti long Wara Sepik.

Memba bilong Wewak Open, Bernard Narakobi i bin bringim dispela mosen. Mista Narakobi i tok olsem ol pipel bilong Sepik i save kisim planti hevi. Bikos ol i no klia long we bilong lukautim wara.

Na taim haiwara i kamap, em i save bagarapim sindaun bilong ol pipel olgeta taim.

"Mi bilip olsem yumi ken lukautim haiwara. Na i no haiwara i bagarapim yumi," Mista Narakobi i tok.

Provinsal memba bilong Is Sepik bin sapatim tu bilong Mista Narakobi. Em i tok olsem dispela mosen i gat gutpela tingting bilong kirapim ol wok long sait bilong ekonomik, sosol, kalsarel na saiens.

"Sapos yumi ken senisim ron bilong wara, bai i gat inap gutpela graun long mekim wok egrikalsa long en. Nau i no gat bikos wara i karamapim graun," Sir Michael i tok.

Bihain bilong em i toktok, siaman bilong Pablik Akauns Komiti, Aita Ivarato na Plis minista Ayusi Tanao i sapatim dispela mosen na Palamen i oraitim.

Mista Narakobi nau bai bringim dispela mosen tupela taim gen long Palamen. Na bihain Palamen bai vot long mekim em i kamap lo.

HAZ LONG PALAMEN, BIABIA I HAT HAT WANTAIM WANPELA MINISTA



TUPELA HATIM I STAP NA MISTA SPIKA I KROS



NAU BIABIA I TANIM NA BIKMAUS LONG MISTA SPIKA



INO LONG TAIM NA BAGA NOGUT SUT I KAMAUT LONG PALAMEN DUA



TU MINIT TINGTING

WARA I NO GAT LAIP

YUMI bin ritim planti taim dispela stori bilong Jisas i bungim wanpela meri long hul wara. Jisas i nek drai na i laikim sampela wara. Meri i givim long em na Jisas i kirapim toktok long "wara i gat laip." Em i min wanem? Jisas yet i eksplenim olsem: "Dispela wara mi laik givim em bai kamap olsem hul wara insait long em. Na dispela wara bai kamap oltaim na givim em laip i stap gut oltaim."

Dispela hul wara i stap insait long yumi na yumi oltaim nek drai long en, em i dispela magnet i stap insait long yumi na em i pulim yumi oltaim long painim God. God wanpela tasol em inap long pinisim olgeta laik bilong yumi.

Tasol, sore, long taim yumi stap long graun yumi save nek drai na skrap long planti kain samting na yumi laik dring long planti kain hul wara. Tasol olsem Jisas i tok long dispela meri: "Ol dispela wara i no inap pulapim yumi. Nogat. Oltaim yu mas dring gen na dring moa."


Long laip bilong yumi, yumi

save skrap long kisim planti kain samting. Yumi laikim longpela laip na gutpela sindaun na planti gutpren. Yumi laik pinisim planti kain laik. Yumi laik amamas na yumi laik painim ming bilong laip bilong yumi. Tasol ol dispela samting i no gat wara i gat laip. Ating planti i gat wara i dai pinis.

Tude yumi save gut long wara i dai pinis. Yumi save rit na harim stori long ol bikpela sip bilong karim wel i bruk na olgeta wel i swim antap long solwara na i paulim em. Na planti pisin na pis i dai. Long planti kantri ol riva i no gat pis moa, long wanem, planti kampani i kapsaitim ol marasin nogut i go long ol dispela riva. Hia long PNG yumi gat dispela sem wari long Flai Riva long Westen provins, em ol marasin nogut bilong Ok Tedi i paulim wara na kilim i dai ol pis.

Pastaim i gat dispela wankain wari long riva bilong Bogenvil.

Olsem na yumi inap lukim sampela wara i dai pinis. Ol i no



FRANK MIHALICH i raitim

gat laip long ol. Yumi no inap dring long ol.

Dispela kain wara i dai pinis, em i eksampel na piksa bilong ol dispela laik yumi gat long dispela graun; em ol dispela yumi bin kolim nem bilong ol. Ol dispela kain laik i no inap long pinisim laik tru i stap insait long bel bilong yumi.

God i bin wokim yumi olsem:

wanpela laik tasol em inap pinisim olgeta laik bilong yumi: em God tasol. Na God yet i bin putim insait long spirit bilong yumi dispela laik bilong painim em, na bilong dringim dispela wara i gat laip, dispela wara i givim laip. Sen Augustin i bin tok olsem: "Spirit na sol bilong yumi i skrap skrap long painim God - olsem ol enimel i skrap long painim wara."

Yumi inap lukim dispela poin insait long Gutnius stori bilong tude. Yumi lukim dispela meri gen. Em i tok save long Jisas long em i bin gat 5-pela man pinis, tasol em i no hepi yet. Em i lukluk yet long painim gutpela sindaun. Em i min: spirit bilong em i lukluk yet long painim God. Em i laik painim dispela wara i gat laip.

Yumi olgeta i save dai long wara i gat laip, na yumi no inap painim em long dispela graun. Planti hul wara bilong dispela graun i doti na i gat wara i dai pinis. Sampela taim yumi yet i

traim digim hul wara bilong yumi yet. Tasol em i no go daun inap, na yumi save pinisim wara bilong en. Nau yumi go painim wara gen..... inap yumi painim God.

Dispela hul wara i kamap insait long bel bilong yumi, olsem Jisas i tok, em i no inap pinis. Nogat. Em i save ron oltaim na bringim nupela switpela wara - wara i gat laip.

Yumi no mas lukluk nabaut long painim hul wara i gat laip. God i bin putim em insait long lewa bilong yumi pinis. Yumi gat wanpela wari tasol na em i dispela: yumi save lus tingting long dispela wara i gat laip, na yumi save westim taim long painim olkain wara i dai pinis long dispela graun.

Sol na spirit bilong yumi i dai long painim God olsem nek bilong yumi i dai long painim wara. Em i lo bilong en. Em i dispela wara i gat laip na i givim laip. Na spirit bilong yumi i no inap pinisim laik bilong em inap long taim em i kamap long God. Em tasol. Em i lo bilong en. God yet i bin wokim em olsem.

Mama Superia sekim ol sista long Papua Niugini

Ol karismetik lida bung long Wewak



Sista Annemarie – Superia bilong ol S.Sp.S Katolik sista.

Sista Reisch i bin kam long Papua Niugini long sekim wok bilong ol lain S.Sp.S sista husat i stap hia. Em i bin kam na stap long Papua Niugini inap long tupela wik. Na long Mande, 1 Mas, em i lusim Papua Niugini na go bek long Rom.

Insait long dispela tupela wik bilong em, Sista Reisch i bin go raun long 15 stesin long Papua Niugini em ol S.Sp.S i stap na wok long en.

"Mi kam raun long Papua Niugini long sekim ol sista na lukim olsem ol i mekim gut wok bilong ol. Na tu long lukim olsem ol sista i stap orait na i no painim sik," Sista Reisch i tok.

Em i tok olsem dispela em i namba tu taim bilong em long kam long Papua Niugini. Namba wan em long yia 1985.

"Tude i gat samting olsem 4,000 S.Sp.S Katolik sista olgeta insait long wol. Long dispela namba, 93 i stap long Papua Niugini. Na long ol dispela 93, 13 em ol lokol sista," Sista Reisch i tok.

Sista reisch i tok ol S.Sp.S sista i save

wok olsem ol pastorel woka, heltkea woka na tisa. Ol i save ranim tu ol vokesenel senta.

Long PNG ol i ranim tripela vokesenel. Dispela long Migende long Simbu provins, Alexishafen na Manam ailan long Madang provins.

Pastaim long Sista Reisch i kamap olsem Jenerel Superia bilong ol S.Sp.S, em i bin stap long Holan long mama haus olsem Provinsal Superia. Bihain em i go na stap long Filipin Ailan. Na long 1984 taim em i go bek long Holan, em i kamap olsem Jenerel Superia bilong ol lain S.Sp.S sista.

Sista Reisch i tok em i amamas tru olsem i gat ol lokol sista. Long wanem dispela ol lokol sista bai tekova na lukautim wok bilong ol S.Sp.S sista insait long Papua Niugini long taim bihain.

Na em i amamas tu long lukim olsem ol lain S.Sp.S sista long Papua Niugini i wok long helpim ol yangpela manmeri long painim gutpela sindaun. Na tu ol i wok long helpim ol meri long luksave olsem ol tu i mas sanap olsem ol memba long sosaiti,

WANPELA bikpela bung bilong ol karismetik lida bilong Katolik Sios i bin kamap long Tangugo pastorel senta long Wewak, Is Sepik provins.

Dispela bung i bin stap inap long 5-pela de, 1 Februari i go inap long 6 Februari. Na 57 man na 4-pela meri lida bilong ol karismetik grup i kamap long bung ya.

Ol lain sumatin bilong ol semineri koles husat bai wokim ol pastorel yia insait long ol peris bilong Wewak daiosis tu i bin kamap.

Tingting bilong bungim ol lida bilong ol karismetik grup insait long daiosis i bin kamap bihain long ol i skelim wok bilong Katolik karismetik muvmen long hap.

Dairekta bilong ol, Pater Cor Joroon na Bisop Raymond Kalisz bilong Wewak daiosis i bin kamapim na kirapim dispela tingting bilong bungim ol lida na stiaim ol long kain wok bilong ol insait long ol komyuniti, eria na peris bilong ol.

Olgeta lida ya i kam long olgeta hap bilong daiosis.

I bin gat tripela astingting bilong holim dispela bung.

• Ol lida i go insait long ol skul bilong kisim gutpela save na nupela strong long stiaim wok karismetik insait long ol komyuniti, eria na peris bilong ol. Dispela bung i kamap long senisim na strongim bilip bilong ol;

• ol lida i kisim helpim na nupela stia long ranim ol liklik prea grup long kamapim gutpela kaikai na helpim ol memba long bihainim ol skul bilong Baibel oltaim.

Pater Joroon i bin go pas long dispela bung. Na Pater Pat Doran bilong Wewak Hill peris waitaim tupela arapela wokman bilong sios, Francis Kemeken bilong Wewak na Michael Watai bilong Aitape i bin helpim em.

Bisop Kalisz i bin kamap long las de,

GODFRIED NIAKA i raitim

WANPELA lain Katolik sista insait long wol husat i save mekim ol wok bilong Bikpela Jisas Kraisi em ol lain sista bilong S.Sp.S.

Long tok Inglis, S.Sp.S i min olsem "Servants of the Holy

Spirit" na long tok pisin i min olsem "Wokman bilong Holi Spirit."

Hetkwata bilong ol S.Sp.S i stap long Rom. Na mama haus bilong ol i stap long Holan. Bos bilong ol o Jenerel Superia bilong

ol i save stap long Rom. Na em i save go long olgeta hap bilong wol em ol lain S.Sp.S sista i stap na sekim wok bilong ol.

Bos o Jenerel Superia bilong ol S.Sp.S sista nau em Sista Annemarie Reisch.

Sista Reisch i gat 58 krismas na em i bilong kantri Jemani.

Na long 13 Februari

Namba wan lotu bilong Kraisi I King long Biwat kamap gut

WANPELA bikpela bung i bin kamap long Biwat insait long Is Sepik provins long tingim pestode bilong Jisas Kraisi King.

Dispela bikpela bung i bin kamap long Maruwat peris long Angoram long 22 Novemba, 1992.

Long dispela moning, olgeta pipel i bin bung long haus bilong sios lida bilong ol, Johanna Caspar. Na bihain olgeta i holim prosesio na wokabaut i go long haus lotu.

Long dispela prosesio, ol pipel i bin karim wanpela samting i

makim hat bilong King wantaim singsing na amamas. Na i bin gat ol singsing tumbuna grup tu i bihainim.

Insait long lotu, ol singsing tumbuna grup i bin lukautim sampela hap bilong misa olsem long taim

bilong bringim ofa i go long han bilong pater. Na tu long taim bilong pinisim lotu.

I tru olsem dispela pestode i save kamap olgeta taim long sios kalenda bilong Katolik Sios. Na long ol planti hap, ol pipel i save

mekim olsem bilong tingim dispela de.

Tasol long ol pipel bilong Maruwak, dispela i bikpela samting. Long wanem em i bin namba wan taim bilong ol long holim kain prosesio na bung olsem long hap bilong ol.

Is Nu Briten Spika go malolo Nupela siaman tokim ol NGI primia long paik strong long holim provinsal gavman

LONG 5 Februari, Is Nu Briten provinsal asembli i bin tok gutbai long Spika bilong en, Joe Eko.

Ol lain man husat i kamap long bung em ol minista na memba bilong Is Nu Briten provinsal asembli, ol sinia opisa long Dipatmen bilong Is Nu Briten na tu ol arapela opisa.

Long ol toktok bilong em, Mista Eko i tok em i bin amamas long holim wok olsem Spika bilong provinsal asembli. Na em i tok amamas long olgeta minista, memba na ol famili bilong ol long mekim wok bilong em olsem Spika i kamap isi.

Mista Eko i no nupela long wok politik insait long Is Nu Briten provins. Long 1976 taim provinsal gavman sistem i kamap, em i bin stap olsem interim memba bilong Not Baining. Na bihain em i kamap olsem namba wan depúti primia aninit long Stanley Tomarita.

Dispela taim i bin wanpela hatpela taim long Is Nu Briten provins. Long wanem i bin gat ol grup olsem Mataunga, Warbete, Kivung na ol narapela husat i wok long paik long kisim pawa. Na Interim gavman i bin kamap long traim na bungim ol.

NUPELA siaman bilong ol primia long Niugini ailan rijon, Bernard Vogae i tokim olgeta primia insait long dispela hap long sanap strong na paik long holim pawa insait long provins.

Em i mekim dispela toktok taim NGI Primia Kaunsil i bung long las wik.

Em i tok, "Pawa bilong kamapim ol lo na ranim provins na ol pipel i mas stap yet wantaim mipela

long Niugini ailan rijon."

Mista Vogae i tok 17 yia i go pinis, Niugini ailan rijon i bin go pas long wokim ol mama lo bilong Papua Niugini. Na dispela bung bilong ol las wik i kamap long stretim rot bilong helpim na givim sevis long ol pipel.

Em i tok, "Mi amamas long tok olsem ol ailan provins i luksave pinis long wanem samting em viles sevis skim i laik kamapim. Na mipela i mekim nau ol samting long dispela rot.

"Provinsal gavman i kamap bilong stap. Na mipela bai toktok i go inap dispela i kamap."

Bia tambu long Is Nu Briten ileksen

IS NU BRITEN gavman bai stapim bia long taim bilong provinsal ileksen long Fraide, Mas 10-24 long 8 klok moning i go inap long 10 kilok nait.

Provinsal minista bilong Lika Laisensing, Lesley Maneo i tok dispela tambu i bihainim tasol seksen 78 bilong lo i lukautim ol bia na strongpela dring.

Em i tok long ileksen taim, olgeta arapela stua nabaut i no inap salim bia o strongpela dring.

Tasol ol hotel na ples bilong kaikai tasol bai salim bia na strongpela dring wantaim kaikai. Dispela em long stapim trabel em inap kamap long ileksen taim namel long ol kendidet na ol sapota bilong ol.

Dispela tambu bai karamapim ol dispela komyuniti gavman; Bitapaka, Balanatan, Central Gazelle, Duke of York, Kokopo, Kombiu, Livuan, Rabaul Taun, Raluana, Reimber, Sinivit, Toma, Vunadidir na Watom.

Lapun meri egensim wok bilong katim diwai

KENA'E KA'AU i raitim

"MI NO laikim ol kampani long kam bagarapim bus, graun na wara bilong mi. Nogut bihain taim bai ol pikinini na ol tumbuna bilong mi i no gat gutpela bus, graun na wara bilong kisim ol kaikai, ol samting bilong wokim haus na ol arapela samting bilong kamapim gutpela sindaun long ples."

Dispela em toktok bilong Cathy Tuhak bilong pels Wom, klostu long Wewak insait long Is Sepik provins.

Em i bin mekim ol dispela toktok taim em i lukim ol masin em wanpela kampani bilong katim ol diwai i kisim i kam na putim long graun bilong em. Dispela kampani i laik katim diwai insait long Hawain'eria, klostu long Wom.

Nem bilong dispela kampani husat i laik katim diwai long Hawain em Rimbunan Hijau na kampani bilong ol asples husat bai wok wantaim dispela kampani em Wong Wong Timba.

Cathy em i wanpela meri bilong ples. Em i gat tripela pikinini na 11-pela tumbuna. Tasol dispela i no pasim em. Em i no wanbel tru long wok bilong katim diwai i kamap long graun bilong em.

Las yia em i bin kisim hevi biong em i go long ol lain bilong Fores divisen long Wewak. Divisen i raitim pas i go long ol dairekta bilong Wong Wong timba na tokim ol olsem ol i no ken statim wanpela wok inap long taim ol i stretim hevi bilong Cathy.

Tasol long las mun tasol, Cathy i bin kirap nogut long lukim ol masin i stap pinis long graun bilong em. Em i paul. Husat i givim tok orait long dispela wok i stat. Ol i no stretim yet wari bilong em.

Planti toktok i kamap pinis long dispela wok bilong katim diwai long Hawain. Sampela i sapotim na ol arapela i egensim dispela wok. Tasol Cathy na lain bilong em i pasim tok pinis olsem ol i no inap larim wanpela timba kampani i bagarapim bus, graun na wara bilong ol.



Cathy wantaim tupela liklik tumbuna bilong em.

Moa lain Madang skul long viles sevis skim

BEN TAUMAI i raitim

MADANG nau i gat ol saveman bilong ranim nesenel gavman polisi bilong Viles Sevis Skim. Long las wik, moa long 50 manmeri i pinisim wanpela kos bilong dispela wok.

Dispela kos i bin stat long Tunde na pinis long Fonde.

Primia bilong Madang Andrew Ariako i tok em i laikim olsem ol kiap i mas go pas long mekim dispela wok. Long wanem ol i gat moa eksperiens.

Mista Ariako i bin mekim dispela toktok long pinis bilong kos long Fonde.

Em i tok ol kiap i mas gat pawa long kisim ol man long wok o rausim ol sapos wok bilong ol i no gutpela.

"Mi bilip sapos nesenel gavman i givim moa pawa long ol kiap, ol bai mekim gut wok olsem ol supavaisa long wan wan eria ol i stap long en," primia i tok.

Nau yet bikpela pawa bilong lukautim mani i stap long han bilong

nesenel gavman na liklik tasol i stap long han bilong provinsal gavman. Ariako i laikim olsem dispela lo i mas senis.


Mista Ariako i tok tu olsem ol kiap i save askim long kisim man bilong stretim ol samting olsem bris, rot na haus sik long bikpela opis bilong ol. Tasol i no save kisim bekim bilong ol hariap.

Tupela asisten sekerteri, wanpela bilong Provinsal Afeas, Nick Genaia na narapela bilong lokal gavman, Paul Torot i go pas long dispela kos.

Genaia i tok ol lain husat i kamap long dispela kos nau bai karim wanem samting ol i lainim i go bek long ol eria bilong ol na skulim ol lain bilong ol.

Provinsal minista bilong lokal gavman Henry Warawai husat i bin stap long dispela greduesen i tok em i amamas long lukim dispela wok bilong redim ol pipel long viles sevis skim na ol polisi em nesenel gavman i kamapim pinis.

LIKLIK IGO INAP LONG BIKPELA PAWA



OLGETA BOATMASTA IGAT SAVE LONG JOHNSON OUTBOARD MOTA

IGAT LIKLIK 3.3HP NA BIKPELA 300HP V8 OUT BOARD PAWA. LONG PNG JOHNSON, EMI NAMBAPAN OUT BOARD TRU, BILONG WOK NA PILAI.

Kam na lukim mipela fete



HEY TOBA MOTORS

PORT MORESBY 21 7874
LAE 42 2611
RABAU 92 1866

Agents:
ALOTAU 61 1246
KIMBE 93 5035
Mt HAGEN 52 1855
WEWAK 86 2784




*Papa dai pinis...*Merl ya na ol pikinini bilong em I bilong wanpela grup bilong lotu Islam ol I kollim Shi'ite. Na ol birua I kilim man bilong em. Nau em yet bal lukautim ol pikinini.



*Taim bilong malolo...*Wanpela soldia bilong Amerika (US Marine) I lainim yangpela manki bilong Somalia long we bilong tromol basketbal gut long pren bilong em. Ol soldia I mekim olsem long traim helpim ol yangpela ya na skulim ol long tok Inglis. Planti bilong ol pikinini ya I nogat papa mama - ol I dai pinis.




*Haiwara karamapim ples...*Dispela ol lain long piksa ya I bilong Bangledes. Na haiwara I karamapim bilong ol. Olsem na nau ol I go stap long wanpela kem bilong gavman long biktaun bilong ol Dhaka. Na ol I helpim long kalkal na marasin.



*Ekta lusim bebi...*Merl ya em wanpela ekta. Nem bilong em Yasmin Gibson. Ol plisman long London I em bikos ol I tok em I lusim bebi bilong em I stap em yet na I go holide. Tasol em I tok em I kisim sampela lain long lukautim bebi. Em I bin balm bell na plis I larim em i go.



*Jackon helpim ol wanlain...*Wanpela bikman bilong ol blakman long Amerika, Jesse L. Jackson I sapotim wanpela mas long Miami (wanpela siti) we ol pipel I ialkim Amerika long sapotim lida bilong kantri Haiti, Jean - Bertrand Aristide. Ol pipel long kantri bilong em I bin rausim em na kisim pawa ol yet.



*Plai long win...*Wanpela soldia bilong Amerika I traim wanpela spot bilong plai long win long ples balus bilong Mogadishu, long Somalia. Planti bilong ol 19,000 soldia husat I wok long hap long traim bringim ol kalkal I go long ol pipel bilong Somalia bai go bek long Amerika insalt long ol mun I kam.

Plis yusim wara na smokbom long Nu Delhi protes Bikpela lain kalabus long brukim tambu



NU Delhi plis long India i bin yusim kain wara em i paia-man i save yusim long kilim dai paia wantaim smokbom long brukim wanpela protes bung na kalabusim ol lida bilong Hindu Nesenelis Pati. Ol i bin holim dispela protes bung long las wik Fonde.

Dispela opresen i kamap bihain tasol long gavman bilong India i putim tambu long ol pipel long no ken protes o kamapim ol bung nabaut.

Wanpela man husat lukim sampela long dispela taim i tok olsem lida bilong oposisen Bharatiya Janata Pati (BJP), Murli Manohar Joshi i

kisim bikpela bagarap liklik taim plis i sutim em wantaim strongpela wara i kam long raba.

Em i bin go pas long protes wantaim narapela 300 sapota long palamen bilong India taim plis i sutim ol wantaim wara na smokbom.

Ripot i kam long haus sik long Niu Delhi i tok em i kisim bagarap long het na sankana bilong em. Na em i stap nau long haus sik.

Wanpela lida bilong BJP, Mis Sushma Swaraj i tokim ol niusman olsem tupela oposisen memba bilong palamen na 5-pela arapela man tu i kisim bagarap long dispela

taim. Bikos plis i bin yusim strongpela wara na hap diwai bilong ol long paitim ol.

Mis Swaraj i tok pasin plis i wokim i soim olsem ol i laikim tasol long bagarapim ol pipel. Na i no long kalabusim ol long brukim lo.

Plis i bin holim tu lida bilong BJP long palamen, Lal Krishan Advani. Em i bin sanap antap long wanpela ka na tokim ol sapota long no ken mekim trabel taim plis i holim em.


Insait long dispela protes mas, i no bin gat planti trabel em ol sapota bilong BJP i kamapim.

Long plis haus kalabus,

Advani i tok olsem em i amamas long wanem samting ol pipel i wokim. Bikos ol i bihainim stret pasin tumbuna bilong India long mekim samting.

Long 1947 taim India i wok long krai long kisim indipendens long Briten, Mahatma Gandhi, (man husat i bin kamap namba wan praim minista bilong India) i bin kamapim kain protes olsem na i no bin gat planti trabel.

Ol oposisen pati long India i bin kamapim dispela protes. Long wanem ol i no laikim tingting bilong gavman long skruim taim bilong ileksen i go inap long 1996.



• Bikpela tausien bilipman bilong ol lain Hindu i sanap na kros wantaim ol plisman long rot bilong tren, i ron long Nu Delhi las Fonde. Bikos ol tu i laik go joinim wanpela protes mas.



Painim abus... Wanpela soldia bilong ol grup husat i pait egensim ol soldia bilong Amenia (bipo hap bilong Rasla) i tralm long ketsim dispela pisin taim ol i bin malolo long pait bilong ol.



Helpim pren i bagarap... Tupela soldia i kisim wanpela pren bilong ol bilong Nigeria husat i kisim bagarap long biktaun bilong Somalla, Mogadishu. Ol i go wok wantaim ol arapela soldia bilong ol kantri husat i memba long Yunaitet Nesen.

Ol mama laikim woa o rausim ol soldia long Bogenvil

MESERY GUBAG i raitim

GAVMAN i gat tupela rot bilong stretim dispela hevi long Bogenvil.

Wanpela em long kirapim woa namel long ol soldia bilong PNG gavman na BRA. Narapela em long rausim olgeta soldia na plis long Bogenvil i kam bek.

Ol meri na mama bilong ol soldia na plis long Mosbi i bin bung na givim ol dispela askim lone pepa i go long Sief ov Stav bilong Difens Fos Kenel Joe Bau Maras long Mandé. Mas 1. Na ol i bin askim em long bringim dispela singaut bilong ol i go long Difens minista Paul Tohian na Praim Minista Pias Wingti. Na gavman i mas bekim dispela askim bilong ol insait long 7-pela de.

Ol i bin tok olsem ol i les pinis long lukim ol man na pikinini bilong



• Ol mama bilong ol soldia na plis i bung wantaim Kenel Maras na givim petisen bilong ol. Na Mista Maras i toktok liklik long ol.

ol i go long Bogenvil na dai na kam bek. Long dispela taim, ol i tok olsem gavman i wok long salim ol man na pikinini bilong ol i go long Bogenvil. Tasol em i no givim ol gutpela gan na samtn

bilang yusim. Na dispela i pasim han bilong ol.

Kenel Maras i kisim ol wari bilong ol mama. Na tokim ol olsem em bai bringim i go long Mista Tohian. Na wanem bekim em i



• Ol mama i bung na wetim Sief ov Staf bilong Difens, Kenel Maras long kam toktok wantaim ol.

kisim, em bai kam tok save gen long ol.

Em i bin tok amamas tu long ol meri. Bikos ol i no traim long protes long rot long soim wari bilong ol em ol arapela lain nabaut

wantaim kain kain tingting inap long bagarapim dispela samting ol i laik mekim. Tasol ol i bung, raitim pas na bringim stret long ol bos husat inap long traim makim ol na

bringim askim bilong ol i go long ol bikman husat i bosim ol man na pikinini bilong ol.

Ol mama ya i bin mekim dispela pasin bihain long ol BRA i bin kilim 8-pela soldia long

las wik. Ol soldia ya i wok long mekim wok patrol taim ol BRA i sutim draiva bilong ka bilong ol na go kilim ol arapela tu long Arawa long Not Solomon provins.

PNG mas luksave long ol soldia i dai: Ogio

MINISTA bilong Bogenvil Afeas i salim tok sori bilong em i go long ol famili bilong ol 8-pela soldia ol BRA i kilim las wik.

Na em i tok dispela pasin em pasin bilong ol raskol stret. Na i bringim moa hevi long ol lain nating. Em i tok wok bilong ol Sekyuriti Fos em long traim bringim bek gutpela sindaun i go long Bogenvil.

Mista Ogio i tok planti laip tru i bin lus pinis long taim

hevi i stat i kam inap nau. Na PNG i mas luksave long ol soldia husat i dai taim ol i mekim wok bilong ol.

Bikos ol i bin mekim long soim olsem PNG i mas stap wanpela kantri.

"Dai bilong ol 8-pela soldia i kamapim pinis planti tok namel long ol lida bilong yumi, ol famili bilong ol soldia ya na ol pren bilong ol. Mi sori long lukim olsem planti lain i ting olsem dispela pait i stap namel long ol pipel

bilong Bogenvil na PNG.

"Pait ya i stap namel long ol wanpela grup bilong ol hambak man na ol soldia. Ol pipel i mas klia long dispela. I gat planti pipel bilong Bogenvil husat i amamas olsem ol i bilong PNG. Na laik helpim long developim kantri.

"Mi harim olsem ol pipel i wok long mekim nabaut long ol pipel bilong Bogenvil bihain tasol long ripot bilong ol 8-pela soldia. Na dispela i

no gutpela pasin.

"I tru olsem ol pipel i les pinis long hevi i go yet. Na ol i gat rait long autim tingting bilong ol. Olsem na mi laik askim ol pipel long rispektim ol yet.

"Bikos ol arapela pipel bilong Bogenvil tu i krai long hevi i mas pinis. Na ol i no laikim tru pasin ol memba bilong BRA i wok long mekim. Bikos ol i laik go bek na lukim ol famili bilong ol," em i tok.

Nupela lo bilong haus

i kam long pes 2

Mosbi pastaim long ol i go long ol narapela senta long kantri.

Mista Kent i tok kampani i painim hat tu long skulim ol lain husat i laik baim haus bilong ol yet. Long wanem ol lo bilong baim haus i no gutpela tumas.

Em i tok tu olsem long nau yet, ol kampani i save baim sea bilong ol wokman bilong ol na taim i gat bagarap long ol dispela haus, ol i save painim hat long painim mani bilong stretim dispela.

Em i bilip olsem bai i moa gutpela sapos ol kampani i salim ol haus i go long ol wokman bilong ol aninit long Hom Onasip Skim na ol i no inap lusim bikipela mani tumas.



Papa stap na pikinini go... Papa bilong wanpela yangpela soldia husat i bin dai long Bogenvil las wik i bagarap olgeta long wari na hangamap long solda bilong tupwla wanwok bilong em. Pikinini tu i bihainim lek bilong papa na go joinim ami. Tasol em i dai na papa i stap. Wanpela famili memba tu i krai na go insait long lukim papa.



Rausim wanpela rispek... Ol soldia bilong PNGDF i rausim bokis wantaim bodi bilong ol 8-pela wanwok bilong ol husat i dai long Bogenvil las wik. Bikipela lain manmeri tru i bin go bung long Mosbi ami ples balus long taim nupela CASA balus i karim ol bodi i kam. Dispela namba bilong ol soldia i bikipela tru winim ol arapela i bin dai long dispela hevi long allan. Hevi i stap inap klostu 5-pela yla nau.

**Give it
to me!**



trukai

**GIVE ME STRENGTH!
GIVE ME HEALTH!**



Shut Down mekim lewa kirap na ol gras slip indai

Dia Edita,
Mi laik bekim pas bilong Alane B. bilong Wewak i bin kamap long Fonde, 18 Februari. Na i go tu long ol brata long Sepik husat i save komplem long Shut Down ben long singsing bilong ol *Wewak i Paia*.
Ol brata, yupela i

save tok yupela i bilong Is Sepik. Tasol mi ting yupela i no bilong Sepik tru. Sapos yupela i bilong Sepik, ating bai yupela i save long as bilong singsing long *Tok Pisin* bilong yumi Niugini.
Mi tru tru blut bilong Sepik na mi save long as bilong dispela singsing *Wewak i Paia*.

Alane, yu bin stap tu taim ol Shut Down ben i pilai long Sepik So na long Jubili bilong Sen Mary's komyuniti skul o nogat?
Brata, mi bin stap na mi lukim long ai bilong mi stret wanem samt- ing i kamap long dispela taim.
Sapos yu bin stap orait inap yu tingting i

go bek long dispela yangpela meri Is Sepik husat i putim retpela pen na danis. Na tu dispela papa husat i karamap long ambrela na danis?
Ating em susa na papa bilong yu stret na yu no pilim gutpela. Olsem na yu komplem nating long ol sap resa

bilong Rabaul.
Yu bin tok tu olsem PS bai mekim ol man i sindaun na slip wantaim wari.
Brata, kain toktok olsem em bilong Sindaun provins. I no bilong mitupela long Is Sepik. Plis no ken kopiket.
Olsem, ol Shut Down

tu i mekim ol manmeri bilong Wewak i sindaun na slip wantaim wari long dispela de ol i pilai long Wewak.
Ol manmeri i danis olsem ol pitpit bilong Wara Sepik i meknais taim wara i muvim ol.
Alane, ol lain manmeri husat i danis i soim olsem Shut Down

i kukim Wewak bikos lewa bilong ol i kirap stret na ol i danis long draipela san.
Mi tok tru, em long draipela san stret. Gras i drai na das i kirap.
Samuel M. Sakias,
Trutru P.S.
Skin bilong pukpuk.

Larim olgeta lotu wok

Dia Edita,
Mi laik bekim pas bilong John Kawi i bin kamap long *Wantok Niuspepa* long 11 Februari, 1993.
John i bin tok olsem ol liklik lotu i kamap nau tasol em ol giaman lotu. Mi laik askim em olsem: Em i senisim laip bilong em pinis o nogat? Na em i mekim dispela hap tok.
Mi laik tokim brata John olsem em i no ken westim taim long raitim pas na mekim dispela kain tok-tok.
Yumi olgeta i mas wanbel na larim olgeta kain, lotu i autim Tok bilong God long olgeta hap bilong graun. Na em i wok bilong wan wan Kristen man na meri long skelim wanem kain toktok wan wan sios i wok long autim. Na wanem toktok em ol i autim i trupela na stretlong ai bilong God. Yumi no ken lukim wanpela nupela lotu i kamap na yumi hariap tasol kirap na tok olsem dispela lotu em giaman lotu.
Aufuson Telson,
SANDAUN.

Ol Sepik na Hailans wantok sistem tumas

Dia Edita,
Mi laik autim wari bilong mi long pasin bilong wantok sistem i save kamap long Kabiura welpam plantasin long Kimbe.
Dispela pasin nau i kamap bikpela olgeta namel long ol man long Hailans na Sepik.
Mi lukim olsem sapos ol wantok bilong ol i kam na askim long wok, isi tasol ol bai givim long ol. Sampela i no gat save tasol ol i save givim ol wok i go long ol. Na taim ol asples manmeri i go na askim ol long wok, ol bai tok olsem i no gat wok.
Hamas taim ol asples manmeri husat i gat save i bin go na askim ol long wok, tasol ol i tokim olsem i nogat wok. Em wanem kain pasin ya. Traim na lusim pasin bilong wantok sistem.
Petrus Konreia,
KIMBE.

No ken sasim nating ol arapela


Dia Edita,
Mi wanpela manki long ples. Planti taim mi save ritim ol pas insait long *Wantok Niuspepa* na mi save les tru long lukim ol wankain komplem.
Em hia ol kain komplem: Ol meri putim trausis, meri paulim man o man paulim meri, pasin pamuk, na tok baksait.
Mi laik tokim yupela stret. Em bai hat tru long stapim ol kain pasin olsem. Nogut yupela wok long westim taim bilong yupela nating long raitim pas.

Sapos yu Kristen man o meri na yu lukim kain pasin olsem, no ken traime long sasim. Em i moa gut God Papa tasol i ken sasim man.
No ken raitim pas na komplem long ol trangu brata na susa. Wanem kain pasin ol i kamapim o wokim, em i samtng bilong ol na God yet i ken skelim ol.
Yu husat man o meri laik bekim pas bilong mi, rait tasol long *Wantok Niuspepa* na bai mi lukim.
Kingley Navatuo,
Wewak.

Wokbung em mobeta long toktok tasol

Dia Edita,
Mi laik bekim pas bilong Sakunah N. Pas bilong em i bin kamap long *Wantok Niuspepa* long 19 Novemba, 1992.
Sakunah i tok, em i lukim ol man bilong ol welpam blok long Wes Nu Briten i save planim spakbrus. Na em i laikim ol plis i go na sekim wan wan blok na rausim ol dispela spakbrus.
Mi no laikim yu raitim pas i kam long *Wantok Niuspepa* na askim ol plis long go na sekim ol blok. Sapos yu lukim long ai bilong yu, orait, yu mas go na tok save long ol plisman.

Na kisim ol i go stret long dispela hap ol i planim spakbrus long en.
No ken givim hatwok long ol plisman long raun long olgeta blok. Ol plis tasol i no inap mekim gut wok. Yumi olgeta pipel bilong dispela kantri i mas wokbung wantaim ol plisman long stretim ples bilong yumi.
Sapos yumi ol pablik i wokbung wantaim plis, ating bai yumi daunim planti trabel. Mi askim yu long kisim ol plis i go long hap we yu lukim ol i planim spakbrus long en.
Noah T,
BOROKO.



Bikpela pe bagarapim planti marit

Dia Edita,
Mi laik autim liklik wari bilong mi na ol arapela i ken lukim na save.
Wari bilong mi em olsem, taim ol yangpela man na meri i pren na tingting strong long marit, ol papa na mama bilong meri isave les na ol i save sasim bikpela mani tru. Dispela i save wokim

planti yangpela man na meri bel hat. Na planti taim ol man i save les na lusim ol meri bikos ol i no gat mani bilong baime ol. Traim na makim liklik pe em inap wokim ol man i amamas na maritim pikinini bilong yupela.
Pasin ol papamama i wokim i save brukim planti gutpela marit. Planti meri tu i save

kisim bel nating long rot. Ol man i laik marit tasol papamama bilong meri tasol i wokim na ol i les.
Sampela yangpela man i no gat planti mani bilong baime meri. Tasol ol papamama i mas sori na stretim laik bilong ol yangpela.
Job. P. Gene,
KEREVAT.

Singsing kamap bihainim samtng tru long Wewak

Dia Edita,
Mi laik tok klia long ol lain husat i save komplem long singsing bilong Shut Down ben bilong Rabaul.
Mi ken tokim yupela olsem yupela i no save long mining bilong dispela singsing. Yupela i laik giaman na daunim nem bilong ol arapela ples tasol.
Dispela singsing *Wewak i Paia* i no min olsem paia i kukim Wewak. Em i olsem, taim ben i pilai planti man na meri i no bin sindaun gut. Ol

i harim gutpela musik bilong Shut Down ben na ol i sikarap stret long danis.
Ol lain husat i stap long dispela taim i bin laik tru long lukim ben i pilai. Kain stail bilong Shut Down i bin wokim ol meri Sepik i no sindaun isi.
Dispela mining bilong singsing i go stret. Taim Shut Down i pilai, planti man i bin laikim tru musik bilong ben na ol i pait. Ol i bagarapim stret sindaun bilong ol lain husat i go lukluk.
Stan. Z,
MADANG.

Tingim praim minista bilong Westen Hailans na wok isi tasol

Dia Edita,
Mi laik autim wari bilong mi long ol pipel bilong Westen Hailans provins.
Nau yumi gat wanpela man long provins i kamap praim minista bilong kantri. Na mi askim yupela long rispektim em na stapim pasin bilong pait na stil.
Mi laik askim ol lain i save pait na stil long lus tingting long wokim dispela kain pasin. Yupela mas stap na

yusim han bilong yupela long wok. Graun bilong yumi em i gutpela long planim kopi na ol arapela kaikai bilong gaden.
Sapos yu yusim han bilong yu long wokim ol samtng, ating bai yu lukim pes bilong mani. Na sapos yu sindaun nating bai yu kisim mani long we? Les pasin tasol i save wokim yupela. i tingting planti long pait na stilim samtng bilong ol nara-
pela lain.
Mi askim yupela ol lain i save tingting long pait na stil long lusim dispela pasin. Na wok long graun bilong yupela na kamapim sindaun bilong yupela long ples.
Pasin bilong pait bai stapim ol sevis bilong gavman long go long ol ples bilong yumi. Olsem na yumi mas stap isi na wok.
Moses Hul,
HAGEN.

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko, NCD.

Ol pasindia bilong Is Nu Briten laikim moa taim

JOE KORO I raitim

NAMBA tu presiden bilong Is Nu Briten Set-las Asosiesen, Chris Kuru i salim: wanpela pas i go pinis long Primia Sinai Brown long givim ol sampela moa taim long stretim ol samting.

Long dispela pas, Kuru i askim primia

long givim ol pipel bilong arapela provins husat i stap long ol setelmen samting olsem 6-pela mun moa. Olsem bai ol i gat inap taim bilong setelmen long redim ol samting.

Planti ol lain i stap long ol setelmen i gat ol samting olsem ka, haus, na ol liklik bisnis olsem tred stua, haus

kakaruk na banis pik. Dispela ol lain i laikim moa taim bilong stretim ol samting bilong ol pastaim long ol i go long ples.

Narapela samting em ol i wari long skul bilong ol pikinini. Moa long 900 papamama i askim pinis primia long stretim rot bilong ol pikinini bilong ol long go skul long provins

bilong ol. Ol i tok provinsal gavman yet i mas mekim dispela.

Kuru i tok samting olsem 10,000 manmeri bilong ol arapela provins nau i stap long Is Nu Briten. Na dis-

pela ol lain i kam long olgeta provins.

Asosiesen i askim tu Mista Brown long helpim ol lain husat i gat hevi bilong baim rot. Ol i askim Is Nu Briten provinsal gav-

man long baim sip na balus tiket bilong ol lain husat i no gat mani.

Planti pipel long ol setelmen i tok ol i no inap stap gut long ples bilong ol. Bikos planti i

lusim ples long taim na ol pipel long ples i no inap amamas long kisim ol.

Sampela bilong ol i no save long asples bilong ol.

Morobe yut lida les long ol memba holim mani bilong wok

ARI GUH DANDEE I raitim

NAMBA tu siaman bilong Morobe Provinsal Yut Kaunsil, Suma Andum i tok em i no laikim bai nesanel gavman i givim mani long ol yut grup bihainim wan wan ilektret.

Mista Andum i tok em i laikim nesanel gavman long givim mani bilong ol yut grup aninit long wan wan provinsal yut kaunsol.

Em i mekim dispela toktok bihain long minista bilong Hom Afeas na Yut, Andrew Posai i tokaut olsem em bai givim mani bilong ol yut grup long wan wan memba bilong givim

long ol yut grup long ol ilektret bilong ol.

Andum i tok tingting bilong Mista Posai i no gutpela tumas. Long wanem planti yut grup insait long kantri i save painim planti hevi. Olsem na em i moa gutpela long nesanel gavman i mas brukim mani i go long wan wan provinsal yut kaunsil. Na dispela bai givim moa pawa long ol provinsal yut kaunsil long mekim wok.

Em i tok tu olsem Nesanel Yut Sevis (NYS) i no save mekim gut wok bilong en. Olsem na gavman i mas lukluk gut na pinisim NYS na larim ol provinsal yut kaunsil long mekim wok bilong NYS.




Lukluk raun tasol...Emmanuel Nail long lephan na Simon Opo Wani long ralthan i go raun long Mosbi taun long las wk Sarere. Na lukim ol wokman i wok long stretim graun long olupela Papua Hotel em pala i bin kukim long 1991. Poto Winis Map.




Atlas Steel - Png


GALVANISE PIPE
EXTRA LIGHT, LIGHT
& MEDIUM WALL



RECTANGULAR
HOLLOW SECTION



SQUARE HOLLOW SECTION



Atlas Steel — Port Moresby
Ph: 21 1233
Fax: 21 1053

Atlas Steel — Lae
Ph: 45 7121
Fax: 45 7106.

Vanimo haiskul stap op yet

TOKTOK bilong pasim Vanimo haiskul long Wes Sepik provins i no inap kamap.

Ol bikman bilong Edukesen dipatmen long Wes Sepik i laik pasim skul long dispela wik. Bikos sampela man i bin stilim 5-pela bikpela sospen bilong kukim kaikai.

Long Sande nait taim olgeta sumatin na tisa i slip, ol man i go long haus kuk na stilim ol dispela sospen. Skul i save yusim ol dispela sospen long kukim kaikai bilong samting olsem 300 sumatin.

Na long Mande moning, ol i laik kukim kaikai na painim.

Palamen oraitim nesanel bilas na singsing

MESERY GUBAG I raitim

PALAMEN i bin oraitim mosen bilong memba bilong Madang open, Stanley Pii long painim wanpela kain bilas em ol pipel bilong Papua Niugini i ken yusim long ol intanesanel bung nabaut.

Na siaman bilong Palamen komiti long Kalsa na Turisem, John Kanadi i tok olsem em na komiti bilong em i lukluk long dispela tingting bikos em i wanpela bikpela samting. Na ol i laik kamapim wanpela 'Nesanel Kalsarel De'.

Long sapotim mosen bilong em, Mista Pii i bin stori liklik long raun bilong em olsem tim menesa bilong

ol PNG Kumul ragbi lig tim i go long Nu Silan long 1988.

"Taim mipela i bin go long hap, ol pipel bilong Maori long Nu Silan i askim mipela long werim nesanel bilas bilong mipela na singsing. Mipela i no bin gat kain samting olsem.

"Olsem na long haitim sem bilong mipela, mipela werim ol yunifom bilong raun na singim wanpela song planti lain i save long en ol i kolim 'Gawi Bagarap'. Long dispela taim, mi bin luksave olsem yumi i mas gat wanpela nesanel bilas long soim olsem yumi bilong PNG. Yumi mas gat sampela pasin bilong yumi yet bai ol arapela pipel i ken lukim na save olsem dispela em ol pipel bilong Papua Niugini," Mista Pii i tok.

Lo bilong pasim pik wok gut long Simbu

MICHAEL KOMA I raitim

SINASINA Lokol Gavman Kaunsil long Simbu i amamas long pasin ol pipel i mekim long lukautim ol pik bilong ol.

"I luk olsem klostu olgeta famili long Sinasina nau i gat moa long tripela gaden. Na dispela i soim olsem ol i gat inap kaikai bilong kaikai na salim long maket," kaunsal bilong

Numaibomai, Sine-maue Kinibol tok.

"Ol abus bilong mipela olsem ol pik, dok, pusi, kau na kakaruk tu i gat inap kaikai."

Dispela pasin i bin kamap bihain long Sinasina Lokol Gavman Kaunsil i mekim wanpela lo las yia. Lo ya i tok olsem olgeta pipel husat i save

lukautim ol abus mas pasim lek bilong ol long rop bai ol i no ken raun nabaut.

Bikos dispela bai mekim ol i ken wokim moa gaden. Na i no inap pret long ol pik na dok long bagarapim ol gaden bilong ol. Long sem taim, ol i save yusim diwai long pasim rop bilong ol pik na dok nabaut.


Na dispela i helpim long sevim ol diwai. Ol diwai i pinis long dispela hap bikos ol pipel i wok long katim nabaut.

Yu laik pilai Lotto?

Em i isi tru, bai yu mekim olsem...




1 Go long Lotto stoa klustu long yu na bai yu lukim dispela sain...




2 Bai yu painim olgeta toksave o infomesin yu laikim o nidim!




3 Hap pepa o liklik buk long tokim yu long we long pilaim Lotto gem...



4 Dispela em i Gem Kad. Yu yet bai makim namba. K2 long 8-pela pilai, o K1 long 4-pela pilai!



5 Lotto man bai paitim namba bilong yu igo insait long masin (komputa) na...



6 ...bai givim yu risit tiket wantaim namba bilong yu! Noken lusim dispela tiket. Soim dispela long kisim prais.



7 Lukluk long EMTV long Mande nait 7.30 o harim long redio Kalang long toksave long WIN!



bai kam klostu

Winim Traipela Moni!



Ol beng no helpim ol liklik bisnis: Nablu

ELLIOT RAPHAEL i raitim

DEPUTI o namba tu siaman bilong Smol Bisnis Developmen Kopresen, Benson Nablu i no amamas long pasin ol beng i save wokim long ol liklik bisnis manmeri long kantri.

Long wanpela toktok bilong em long ol memba bilong Isten Hailans Bisnis Asosiesen long Goroka long Fraide 26 Febueri, em i tok ol beng insait long kantri i save laik givim mani i go long ol draipela bisnis tasol. Na i no save lukluk long ol liklik bisnis manmeri

bilong kantri.

Em i tok moa olsem taim ol liklik bisnis manmeri i askim long dinau, ol beng i save askim tu long sekyuriti, maski beng i save olsem ol trangu ya i no gat planti samting.

Mista Nablu i tok dispela i soim olsem ol beng i no rispekting tingting bilong gavman long kirapim tingting bilong ol Papua Niugini long kamapim kain kain bisnis.

Em i tok long dispela as tasol, planti Papua Niugini bai painim hat long kisim wok long wanem i no gat kampani bilong kamapim wok.

Planti ol beng insait long kantri

nau i bilong ovasis na taim ol i givim aut ol loan o dinau mani, ol i save givim long ol ovasis bisnis o ol bikpela bisnis tasol.

Mista Nablu i bilip ol beng i gat planti mani tru, tasol kain pasin ol i wokim bai bagarapim ol liklik bisnis manmeri.

Long Febueri 1992 i kam inap long Desemba 1992, Smol Bisnis Developmen Kopresen i bin kirapim wok bilong en insait long kantri.

Orait long wankain taim tasol, ol i bin helpim long kirapim samting olsem 721 projek long kantri.

Tasol wanpela samting em i pasim ol long pinisim gut ol dis-

pela projek em long mani. Ol beng i wok long holim bek mani long wanem sampela projek ol liklik bisnis manmeri i laik kamapim i no gat sekyuriti.

Insait long dispela 721 projek, 32 tasol i kisim helpim na i kamapim 2,654 wok bilong ol Papua Niugini.

Sapos dispela 721 prosek olgeta i bin kisim helpim, ating em inap long kamapim 6,454 wok bilong ol pipel insait long kantri.

Ol dispela toktok bilong Mista Nablu i bin kamap long taim em i tok amamas long ol memba bilong Isten Hailans Bisnis Asosiesen long ol wok em ol i

kamapim.

Em i tokim ol olsem em i amamas long ol long wanem ol bisnis em ol i-kamapim em long hatwok bilong ol yet. Na i no long helpim i kam nabaut long ol beng.

Em i tok dispela piksa i soim olsem yumi ol Papua Niugini i mas stat kirapim ol bisnis long strong bilong yumi yet. Na maski lukluk long ol kain kain helpim i save kam long ausait.

"Wanpela askim nau em yumi mas askim yumi yet em long: Wanem samting tru yumi ken wokim long pipel bilong yumi yet. Na maski long askim long ol helpim i kam long ausait," em i tok.



Madang kendel saplai...Dispela man Madang wantaim meri na nupela wokman bilong em i amamas na soim ol kendel em ol yet i wokim. Ol i save sailim dispela ol kendel long ol stua long kantri. Em i save kisim gris tasol bilong wokim kendel long Australia. Foto: Ben Taumai.

Ol nupela lain eksekutiv bilong LIKBA promis long wok stret

ELLIOT RAPHAEL i raitim

OL HATWOK em olpela presiden bilong Likba (Liklik Bisnis manmeri asosiesen) Nalden Matautu i kamapim i no inap lus nating.

Dispela em strongpela tingting ol nupela bos o eksekutiv bilong Likba bai bihainim.

Long wanpela kibung em ol i holim long Fraide, 26 Febueri, ol i autim tu ol nem ol wantaim ol komiti bilong Likba.

Nupela presiden husat i kisim ples bilong Mista Matautu em Anton Parao. Ol i makim em long 21 Febueri.

Parao em wanpela olpela politisen na em i gat bikpela eksperiens long ol wok bisnis. Em i ting olsem em inap skurim save bilong em i go long ol liklik bisnisan long dispela kantri.

Ol narapela eksekutiv memba em ol i makim long wankain taim em Ephraim Karara olsem namba tu presiden, George Perry olsem seketeri

na Gregory Nongkas olsem tresera o man bilong lukautim mani.

Sampela komiti ol i makim tu em Michael Yai Pupu, Mis Vani Joe, Andrew Ila na Pia Nagire.

Michael Yai Pupu nau bai kamap olsem Likba bisnis edvaisa. Nau yet em i holim wok tu olsem menesing dairekta bilong PNG Botol Industri.

Long taim ol i makim Mista Parao olsem presiden, em i askim ol nupela memba bilong Likba long wokbung wantaim long helpim ol liklik bisnis long kantri.

Em i tok save tu olsem opis bilong em nau bai painim sampela mani bilong long Likba long helpim ol memba husat i stap nabaut long kantri.

Sampela memba bilong Likba i bin lusim asosiesen long wanem ol i tok Likba i no helpim ol gut. Tasol Paraoi askim ol long kam bek. Long wanem em i tok em i gat ol gutpela wokman nau husat i gat save long ranim bisnis. Na em i pilim olsem ol bai i givim gutpela helpim long olgeta memba bilong Likba.

Komiti kamap long sekim promis mani

LIKBA (Liklik Bisnis Manmeri Asosiesen) bai kirapim wanpela komiti bilong lukluk long ol helpim mani em nesanel gavman i tok long givim.

Dispela toktok i kam long nupela presiden bilong Likba, Anton Parao.

Mista Parao i tok gavman i bin givim samting olsem K87,000 bilong helpim wok bilong Likba, tasol dispela mani i no kam long han bilong ol.

I gat bilip olsem dispela mani i stap nau long han bilong Small Businessman Development Corporation (SBDC) na i no stap wantaim Likba.

Likba i bin askim gavman long dispela mani tasol aninit long nem bilong Tred na Industri, SBDC i gat wok wantaim ol. Olsem na dispela mani i no go stret long Likba.

Gavman i bin givim K350,000 i go long Likba. Long dispela mani, ol i brukim gen na bai ol i kisim liklik long wan wan kwata

insait long wanpela yia.

Parao i tok Likba i bin pait hat long 9-pela krismas olgeta long helpim ol liklik bisnis manmeri. Na em i tok moa olsem ol i no inap larim ol kain kain lain long bagarapim wok bilong ol.

Likba bai askim gavman tu long givim mani i kam stret long ol na i no long han bilong ol narapela oganaisesen. Long wanem dispela i save kamapim hevi long mani.

Wanpela tingting bilong Likba tu em long askim beng na ol sampela oganaisesen long lukluk long krai bilong ol liklik bisnis manmeri na traim helpim ol.

Dispela em long wanem nau yet ol i save lukluk tasol long helpim ol bikpela bisnis na ol i save lus tingting long ol liklik bisnis.

Em i tok tu olsem long kain taim olsem we kantri i gat planti kain kain minerel olsem kopa, gol na wel em i laikim olsem ol liklik bisnis manmeri tu i mas i gat sea o toktok

long em.

Em i tok strong tu long gavman long lukluk long sampela liklik bisnis olsem haus kaikai na taka sop we ol waitman i wok long ronim i mas i go long han bilong ol Papua Niugini stret.

Bihainim dispela toktok, Parao i tokaut tu olsem Likba bai sanapim wanpela holsel stua insait long Mosbi we ol liklik bisnis manmeri i ken lusim mani long baim ol samting long hap na i no long ol bakstua nabaut.

Dispela em long wanem taim ol i save go baim ol samting long ol narapela holsel, ol i save westim bikpela mani tumas na i no gat gutpela helpim i save kam long ol.

Likba nau bai katim daun namba bilong membasip fi long K120.

Ol liklik bisnis tru bai baim K50.0l lain namel liklik em K200. na ol

bikpela em K500

Opis bilong Likba long Mosbi i save kisim samting olsem tenpela kastoma long wan wan de husat i save kam long painim helpim o edvais long kirapim liklik bisnis bilong ol.

Insait long kantri, Likba i gat samting olsem 200 memba.

Ol RGC wokman long Wau lusim wok inap long tripela awa

ARI GUH DANDEE i raitim

OL wokman bilong RGC husat i wok long painimaut long ol samting bilong graun long ol bus bilong Wau i bin stop wok inap long tripela awa long wanpela kampani kem long bus.

Ol i bin stap wok bikos ol i no amamas long pasin kampani i wokim long ol. Ol i tok kampani i no save givim ol gutpela kaikai na ol arapela

samting bilong yusim long bus.

Taim stop wok i kamap, ol lain bikman bilong kampani, distrik opisa na sampela opisa bilong gavman i bin lusim Wau na go long bus long harim wari na tingting bilong ol wokman. Ol i bin kibung wantaim ol wokman na kisim tingting bilong ol.

Bihain long kibung, ol wokman i bin go bek long wok.

Bos bilong RGC long Wau i tok dispela hevi bilong ol wokman i no bikpela tumas.



Wom nambis bagarap...Wanpela papa graun bilong ples Wom long Is Sepik provins, Wapal Supakao i sanap long ples em ol kampani i klaim graun bilong bringim ol masin samting bilong katim diwai long solwara i go long graun. Bikpela toktok long hap i stap yet.

HONDA[®] MOTOR CYCLES

THE BEST WORK BIKES IN PAPUA NEW GUINEA



CT110

- XL125s Trail Bike.
- XL185s Trail Bike.
- CT110 Agricultural Motorcycle.
- CT125 Agricultural Motorcycle.
- WIN 100 The NEW model Semi Trail.

Apart from great economy and low maintenance check this features:

XL Range - Four Stroke Engine, Long Travel Suspension, Large Fuel Tanks, Electronic Ignition.

CT Range - Automatic Clutch, Front and Rear carry rack, Twin Side Stands, Lever Guards, Four Stroke Engine.

WIN100 - Four Stroke Engine, Easy to ride On Road or Off Road, Low Seat Height.

Kam na lukim mipela fete



TOBA
MOTORS

PORT MORESBY 21 7874
LAE 42 2611
RABAU 92 1866

Agents: ALOTAU 61 1246 KIMBE 93 5035 Mt HAGEN 52 1855 WEWAK 86 2784

Noken larim ausait grup i bosim yumi

ELLIOT RAPHAEL i rattim

PLANTI taim yumi ol man bilong ples i save kisim dinau long ol lain bilong yumi taim yumi sot long sampela samt-ing.

Na dispela tingting tu i stap pas long ol pipel husat i wok long taun. Taim ol i sot long wanpela samt-ing, ol i save i go kisim dinau long ol wantok.

Insait long wok bisnis tu, ol yet i save dinau namel long ol yet. Na long ol gavman tu, wankain pasin i stap.

Wanpela samt-ing yumi i no save luksave long em i olsem. Taim yumi kisim dinau pinis orait, yumi save bekim bek wantaim sampela profit na planti taim yumi painim hevi gen.

Toktok nau yumi laik stori long em, em long wok bilong Wol Beng insait long kantri, na ol hevi yumi bin painim long ol dinau em yumi i painim long ol.

Insait long wok bisnis tu, ol yet i save dinau namel long ol yet. Na long ol gavman tu, wankain pasin i stap.

Wanpela samt-ing yumi i no save luksave long em i olsem. Taim yumi kisim dinau pinis orait, yumi save bekim bek wantaim sampela profit na planti taim yumi painim hevi gen.

Toktok nau yumi laik stori long em, em long wok bilong Wol Beng insait long kantri, na ol hevi yumi bin painim long ol dinau em yumi i painim long ol.

Insait long wok bisnis tu, ol yet i save dinau namel long ol yet. Na long ol gavman tu, wankain pasin i stap.

Wanpela samt-ing yumi i no save luksave long em i olsem. Taim yumi kisim dinau pinis orait, yumi save bekim bek wantaim sampela profit na planti taim yumi painim hevi gen.

Toktok nau yumi laik stori long em, em long wok bilong Wol Beng insait long kantri, na ol hevi yumi bin painim long ol dinau em yumi i painim long ol.

Insait long wok bisnis tu, ol yet i save dinau namel long ol yet. Na long ol gavman tu, wankain pasin i stap.

Wanpela samt-ing yumi i no save luksave long em i olsem. Taim yumi kisim dinau pinis orait, yumi save bekim bek wantaim sampela profit na planti taim yumi painim hevi gen.

ing bilong Wol Beng taim ol i statim ol dispela polisi bilong Papua Niugini long 1989:

1. Ol i laikim Papua Niugini long ekspotim o salim moa risoses i go ausait long kantri.

2. Askim kantri long planim moa kes krop.

3. Ol i laikim gavman i mas kisim olgeta graun long Papua Niugini bek long ol papa bilong graun tru, na givim long ol ausait man o kampani long kirapim bisnis.

4. Askim ol ausait man long kam stap olgeta long kantri.

5. Katim ol takis bilong baim samt-ing long ovasis, na larim ol samt-ing bilong ausait kantri long kam fri insait long kantri.

6. Rausim tumbuna pasin o we bilong wokim gaden, na senisim wantaim pasin bilong wokim gaden wanwan.

7. Rausim sosel sevis.

8. Katim pe bilong ol wokman long kantri long wanem ol i tok stail bilong pe long Papua Niugini i no gutpela na,

9. Kirapim sampela kain sekyuriti long kantri long was long ol kampani bilong ovasis. Ol dispela sekyuriti em bai plis na difens fos.

Wanpela ripot mi bin kisim i tok tu olsem stat long 1970 i kam inap long 1980, Wol Beng i bin askim Papua Niugini long kisim dinau mani i kam long ol Intanesenel Beng.

Ol dispela dinau mani i bilong kirapim ol bikpela projek olsem Yonki dam, ol bikpela plantesen, maining na rural developmen projek.

Wanpela gutpela piksa long kain projek olsem em 'Buffalo' prosek insait long Is Sepik. Kos bilong ranim dispela projek em K27 milien dinau mani.

Wol beng i bin save gut tru olsem Buffalo i no inap stap long kain hot ples olsem Wewak tasol ol i go het long kamapim dispela projek.

Olgeta buffalo i bin indai. Na dispela bikpela mani i lus nating long baim ol kontrak wokman, ol masin bilong ovasis na ol saveman.

Papua Niugini i no wokim wanpela profit

mani liklik. Olgeta mani i go ausait long kantri.

Orait, Papua Niugini i wok long kisim moa dinau mani i kam long ausait long bekim dispela dinau em pastaim ol i kisim long sanapim dispela Buffalo projek.

Bihain long 1989, Papua Niugini i kisim taim stret.

Long histori bilong kantri, dispela em i namba wan taim stret Papua Niugini i kisim taim long bekim ol dinau mani bilong em.

Dispela i mekim na wol beng i kam insait gen long helpim bilong Papua Niugini na tokim gen kantri long kisim namba tu dinau mani long bekim namba wan dinau bilong ol.

Orait, Wol Beng i kirapim Structural Adjustment Program insait long kantri long 1989. Astingting bilong SAP em long kisim ol kantri i gat dinau long Wol Beng i go long Intanesenel Moneteri Fan (IMF) long kisim namba tu dinau mani.

Tasol wanpela strongpela lo bilong IMF em olsem ol i mas salim menesmen tim bilong ol yet long ranim ikonomi bilong kantri.

Orait, taim ol i ranim ikonomi bilong yumi nau, ol bai stat long painim sampela we long kisim mani go ausait long kantri long bekim ol dinau em yumi i gat long ol.

Sampela taim ol i ken apim pe bilong ol kaikai olsem rais, suga, plaua (wit) na planti moa.

Na ol man i ken i go hangre na sampela taim ol i ken indai.

Dispela i min olsem sapos kantri i kisim namba tu dinau long IMF olgeta wanwan Papua Niugini i gat K10 bilong dinau long Wol Beng Intanesenel Moneteri Fan.

Dinau long Papua Niugini long Wol Beng long 1989 bin sanap olsem - K 496,000 000 milien. Wankain olsem 25 pasen bilong gavman baset bilong Papua Niugini.

Planti kantri long Afrika, long Filipino na Kanada na ol arapela kantri long Latin Amerika i painim hevi em Wol Beng na Intanesenel Moneteri Fan i save givim long ol na ol i tokaut strong pinis olsem ol i no laikim moa kain ogenaisesen long i kam helpim kantri bilong ol.

Gavman niuspepa bilong Simbu wok gen

MICHAEL KOMA i raitim

LONG pinis bilong las mun, *Simbu Nius* i bin statim ol wok bilong en gen.

Dispela i kamap bihain long Simbu provinsal gavman i givim sampela mani bilong mekim dispela wok. *Simbu Nius* i bin stap wok las yia bikos i no bin gat inap mani.

Olsem na long dispela yia, gavman bilong Primia Bare i givim K14,000 bilong mekim dispela wok. Na aninit long Simbu Rurel Developmen Program, Wol Beng i bin givim narapela K12,000.

Simbu Nius i save raitim ol nius i kamap insait long provins yet.

Balus pundaun na Simbu Aviation opis pas

WANPELA liklik balus bilong Simbu Aviation i bin pundaun long ples Gomgale long Gumine distrik long saut Simbu na kilim pailot wantaim wanpela pasindia.

Ol opisa bilong Sivil Eviesen i no save long as bilong dispela birua. Na ol i wok long painimaut yet long dispela.

Balus i bin kisim sampela marasin na kago bilong tred stua taim em i bungim dispela birua long Maunten Dege-Paume. Balus i bin laik karim ol dispela kago i go long Bomai long Karamui distrik.

Wanpela man Gomgale husat i bin lukim dispela birua i go na tok save long Pater Hubert bilong Katolik misin long hap. Na pater i ringim plis na ol helt opisa.

Taim plis i go kamap, ol i painim olsem pailot na wanpela pasindia i dai pinis. Na narapela pasindia i kisim bagarap. Olsem na ol i kisim ol i go long Kundiawa haus sik.

Bihainim dispela birua, het opis bilong Simbu Aviation long Kundiawa i bin pas inap long tupela wik



Brunton i spin...Loya Brian Brunton i malolo gut tru long dispela moto kanu i go antap long Epril Riva long harim toktok bilong ol pipel long Epril/Slumei TRP.

Graun karamapim ol haus long Gembogl

LONG Fonde, 18 Februeri, graun i bin bruk long ples Gabamambuno long Gembogl distrik na karamapim foapela haus na 14 pik insait long Simbu.

Ol Provinsal Afeas opisa long hap i tok olsem moa long 300 pipel husat i save stap long hap i lusim pinis ples ya. Na surik i go stap long narapela hap.

Distrik Sevis Opis long Gembogl distrik i bin givim K500 i go long ol memba bilong dispela foapela famili em graun i karamapim ol haus bilong ol.

Na nau ol gavman opisa i tok save pinis long ol tisa na sumatin bilong Gabamambuno komyniti skul long pasim skul. Bikos ol i ting olsem sampela moa graun bai bruk long dispela hap.

Na tu em i save karamapim ol somting i toktok long wok edukesen olsem long lo na oda, helt, wok egrikalsa, bisnis developmen na ol envoiromen.

Moa long 3,000 pipel bilong Simbu i save kisim dispela niusleta fri. Ol opisa bilong *Simbu Nius* tu i save salim niusleta ya i go long ol arapela gavman infomesen opis long kantri na tu long ol skul na haus buk.

JB Trading winim kot bilong wok long Madang

MADANG Distrik Kot i rausim pinis aplikesen bilong Helt Divisen long stapim papa bilong JB Trading long wokim bisnis arere long haus sik.

Long 5 Februeri, bos bilong haus sik, Dokta Demok i kisim papa bilong JB Trading, Joe Bukikun i go kot long pasim dispela stua bilong em.

Stua i stap arere long haus sik na i save op long 24 awa. Na helpim ol sikman, ol wokman bilong haus sik na ol dispela lain nabaut.

Dispela haus i bilong ol Red Cross. Tasol ol i bin putim tok save long nius olsem ol i laikim ol man

long rentim haus ya tupela yia i go pinis. Mista Bukikun i bin aplai na winim kontrak. Na em i save baim K220 long wan wan mun long dispela haus.

Long kot, ol Helt opisa i tok olsem ol i bin salim pas long Mista Bukikun long pasim stua. Tasol em i no bin harim ol toktok na bihainim. Bikos ol i laikim PTC long putim switsbod bilong Madang haus sik long dispela hap.

Tasol long kot, Bukikun i bin soim agrimen pepa em brens presiden bilong Red Cross, Maureen Hill i sainim na oraitim em long rentim dispela haus na yusim olsem stua.

YU BAI WOKIM WANEM SAPOS YU GAT NAU ? K25,000

HAUS KAR BOAT

BRAID-PRAIS

BILLS HOLIDE

K25,000

NOGUT I STAP LONG NARAPELA TIKET BAI YU SIGARAPIM LONG EN!!!!

Pacific Instant Lottery

Ol i stap long olgeta local stua klostu long yu....



□ BIHAIN tasol long Nu Yia, Kanage go painim wok long Popondetta taun. Em i go lukim bos bilong wanpela kampani na bos i tok orait long em bai wok wantaim ol. Em i amamas nogut tru. Long wanem dispela em i namba wan taim bilong em long go na wok long taun. Orait long Mande moning, Kanage i go long wok. Long apinun taim em i laik go long haus na bos bilong em i givim em wanpela fom long kisim i go na sainim. Kanage kisim i go long haus na tokim poro bilong em long helpim em na tupela bai sainim dispela fom. Em nau tupela sainim dispela fom i go na wanpela hap tasol tupela i no sainim. Long dispela hap long fom ya, ol i raitim olsem "SEX". Dispela i min olsem yu man o meri. Poro bilong Kanage i save long mining bilong dispela hap tok. Tasol Kanage i tokim poro bilong em long no ken raitim wanpela samting long dispela hap. Na taim poro bilong em i go pinis, Kanage kirap tasol na raitim olsem. "Olgeta taim long haus. Na tripela taim klostu long wara. I no laik bilong mi. Nogat ya bos. Em laik bilong meri yet ya." Moning nau Kanage kisim dispela fom i go long wok na givim long bos bilong em. Taim bos i lukim olsem, em i kilim skin long lap.

P. Kovei,
POPONDETTA.

□ KANAGE em draiva bilong Yarapos haikul long Wewak. Wanpela moning em i kisim 4-pela haikul meri i go long Wewak taun maket bilong baim kaikai bilong skul. Klostu apinun nau em kisim ol i go bek long skul. Long hap rot stret long Yawasoro, sampela raskol i banisim rot na tokim 4-pela skul meri ya long rausim ol kaikai antap long ka na givim long ol. Mekim olsem i go na wanpela bilong ol dispela 4-pela skulmeri i kapupu. Ol raskol harim na kirap askim Kanage, "Hei Kanage, sumatin bilong yu long baksait i tok wanem?" Em nau Kanage isi tasol tokim ol raskol ya olsem, "No ken wari long toktok bilong em. Em liklik samting. Yupela i makim sotgan long mi na em i tok save long yupela olsem em i gat sotgan tu ya." Ol raskol i ting tru na ranawe.

Dayrius Rozzy,
TABUBIL.

Ol mama Gokme pret long gutpela mun



BIPO bipo tru long ples Gokme insait long Simbu provins i gat wanpela man wantaim meri na wanpela pikinini bilong ol i stap.

Long wanpela taim, papa i lusim mama na pikinini i stap long haus. Na em yet i kisim ol samting na go raun long bus bilong painim abus. Papa i raun i go na go olgeta long bikbus tru. Tudak i painim em na em i no kam bek long haus.

Mama wantaim liklik pikinini i stap long haus na lukim ples i tudak. Mama i kisim liklik pikinini bilong ol kam ausait long haus na lukim mun tu i lait gut tru. Em i kirap apim pikinini i go antap na wok long toktok long em. Em i wok long tok, "Kanibo endo, kanibo endo, paimo kana baumbo kano." Long tok ples, dispela i min olsem: lukluk i go antap, mun ya, mun ya.

Taim em i wok long soim pikinini bilong em long mun, wanpela man bilong narapela ples tu i kam na lukstil long tupela i stap. Em i kam na hait long ol pitpit klostu long haus.

Mama i wokim olsem pinis na karim pikinini bilong em i go insait gen long haus. Na em i no save olsem wanpela man i lukstil long tupela.

Olsem na tupela i go slip. Dispela man i hait i stap i go inap mama na pikinini ya i slip indai olgeta. Em nau, em i lusim ples bilong em long hait na wokabout isi tru i go long haus na opim dua bilong haus.

Em i go long rum tupela i slip long en na lukim tupela i



slip indai stret i stap. Em i go isi tasol kisim dispela liklik pikinini na karim em i go ausait. Em i kisim liklik pikinini ya i go long wanpela maunten na tromoi em i go daun. Tasol pikinini no dai. Em i go na pas antap long ol pitpit. Long biknait nau, mama i kirap na laik kisim pikinini bilong em i kam slip klostu

long em. Tasol nogat, pikinini bilong em i no stap. Em nau, mama i hatwok long painim. Liklik pikinini ya i slip i stap na i pilim moson bilong pitpit. Na lip bilong pitpit tu i katim em na em i stat long singaut.

Mama i krai i stap long haus na harim pikinini bilong em i singaut ausait. Em i kirap laitim bombom na bihainim dispela singaut i go. Em i go

na lukim pikinini bilong em i slip antap long lip bilong pitpit i stap. Em krai wantaim na go kisim em i go long haus.

Olsem na sapos nau yu go long ples Gokme, bai yu lukim ol mama i no inap kisim pikinini bilong ol i kam ausait long nait taim gutpela mun i lait.

Joseph Waim,
KIMBE.

Dokta ting wanem long slip wantaim meri gat sik mun

Dia Laiplain,

Mi wanpela maritman husat i wari long slip wantaim meri bilong mi taim em i gat sik mun.

Pasin tumbuna bilong mipela i tambuim ol man na meri long slip wantaim taim meri i kisim sik mun. Bikos mipela i bilip olsem dispela man na meri o pikinini bilong ol bai kisim sik sapos mipela i no bihainim dispela pasin. Tasol mi no save, bai mi bihainim kastom o lus tingting long bilip bilong ol tumbuna.

Sampela taim meri bilong mi save laikim mi slip wantaim em na dispela i senisim nau pasin bilong mi long toktok wantaim em.

TORN BETWEEN TWO

Dia Pren, Bilip long pasin tumbuna na kastom i bikpela samting. Tasol nau planti kain kain save na pasin bilong ol waitman i wok long kamap long ol ples. Wan wan man i mas skelim na bihainim pasin em i laikim long en.

Ol dokta i tok sapos yu slip wantaim meri taim em i kisim sik mun, dispela i no inap givim sik long yu, meri o pikinini bilong yu.

Tasol yu mas tingting long meri bilong yu. Nogut em i les long slip wantaim yu taim em i gat sik mun yet. Meri i gat ol arapela wok em yu no luksave long en. Em i save lukautim

haus na kukim kaikai. Na sapos em i gat pikinini, em i hatwok tru long lukautim ol na wok wantaim. Dispela ol samting i ken wokim meri bilong yu i skin i dai.

Bihain long meri bilong yu i klinim haus, kukim kaikai na lukautim ol pikinini, em bai amamas sapos yu tok sori long dispela ol wok em i mekim na yu no ken krosim em.

Yu save bilong wanem na meri bilong yu i laik slip wantaim yu o nogat? Wokim gutpela pasin long em na luksave long pasin bilong em bai strongim marit bilong yutupela long stap gut.

Sapos yu wokim gutpela pasin long meri, em bai amamas long yu na tok orait long slip

wantaim yu taim em i pilim les na skin i dai.

Planti meri i gat kain tingting, na sampela i save gat wari taim ol i kisim sik mun.

Sampela i tok ol i save kisim bikpela pen taim ol i kisim sik mun.

Ating meri bilong yu i gat liklik hevi long daunim tingting bilong em

taim em i laik slip wantaim yu. Tasol sapat bilong yu bai helpim em. I gutpela sapos yu kisim meri bilong yu i go long haus sik na

larim ol dokta i sekim em sapos em i gat ol arapela sik.

Mi Laiplain.



• Edita bilong Times, Anna Solomon (rait) i sanap kisim ples bilong Maria Hilf Trening Senta na kisim wanpela K10,000 sek i kam long Kodineta bilong ol Fans bilong Keneda Hal Komisn, Helen Anderson.

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH Min Aiori Ext 203
John Iagata Ext 215
Kusinto Fosagu Ext 211
Bonner Hu Ext 200



POT MOSBI SO SOSAITI

1993 MEMBA BILONG POT MOSBI SO SOSAITI

NUPELA FI

Tok save i go long ol Olpela Mema oisem ol i mas baim ol nupela Membasip Fi bilong ol pastaim long 31 Me, 1993. Ol bikpela manmeri bai baim K10 na K5 long wan wan pikinini.

Ol nupela lain tu i ken joinim Sosaiti. Ol bikpela manmeri bai baim K15 na wan wan pikinini em K8.

Salim olgeta askim na membasip fi i go long:

Opis bilong Port Moresby Show Society,
P.O. Box 6958,
BOROKO, N.C.D.

Telipon namba: 25 7897.

Taim bilong opis long op em olsem:
Mande i go inap long Fraide - 9 klok moning i go inap long 3 klok apinun.

Kam lukim mipela long:
So Opis
Rotbung bilong Croton na Frangipani Strit,
P.O. Box 6958,
Boroko.

O toktok wantaim mipela long telipon namba 25 6579.



POT MOSBI SO SOSAITI

1993 MOSBI SO 12, 13 na 14 JUN

Opis bilong So Komiti i bin op gen long Mande, 1 Mas, 1993. Olgeta lain husat i laik baim ol liklik haus bilong salim ol samting o mekim wanem i mas kam stretim toktok long opis hariap. Ol lain husat i bin gat ol liklik haus long 1992 So bai gat bikpela sans bilong winim spes gen.

Taim bilong opis long op em olsem:


Mande i go inap long Fraide - 9 klok moning i go inap long 3 klok apinun.

Opis bilong So Komiti i stap nau long rotbung bilong Croton na Frangipani Strit, hapsait long Hohola Pos Opis.

Long save moa, salim pas i go long:

The Show Office,
P.O. Box 6958,
BOROKO, N.C.D.

O toktok wantaim mipela long telipon namba 25 7897.



GENERAL NOTICE

ANZ Banking Grup (PNG) Limited i laik wokim pablik tok save olsem mipela i no painim yet ol dispela sek em ol man i bin stilim long 5 Ogas, 1992.

BRENS

OL SIRIEL NAMBA:

Boroko Brens 018-908	14501 - 14750 20751 - 21000 27001 - 27250 33251 - 33500 39501 - 39750 14251 - 14500 20501 - 20750 26751 - 27000 33001 - 33250 39251 - 39500
Edministresen 018-801	12001 - 12250 18251 - 18500 24501 - 24750 30751 - 31000 37001 - 37250 10501 - 10750 16751 - 17000 23001 - 23250
Goroka Brens 018-891	29251 - 29500 35501 - 35750

Plis toktok hariap wantaim Menesa Opresens long telipon namba 22 3263 sapos wanpela man i kam givim yu ol sek i gat ol dispela namba long en.



THE UNIVERSITY OF PAPUA NEW GUINEA

PABLIK NOTIS

University of Papua New Guinea



38

GREDUESEN SEREMONI

Yunivesiti bilong Papua Niugini bai holim namba 38 Greduesen Seremoni bilong em long Fraide, Mas 5, 1993.

Ol i laik toksave long pablik olsem bikpela get long Waigani kempas bai op long 12 klok abinun long greduesen de. Narapela sekuriti get long pilai graun bilong Yunivesiti tu bai op long pablik.

Thoa lamo
Rejistra



MINISTA BILONG DIFENS
Hon. PAUL TOHIAN QPM, MP

na ol wokman bilong em i laik tok sore i go long famili na pren bilong ol PNGDF soldia husat ol i kilim long Bogenvil long 24 Februari, 1993.

Nem:

JOHN DANNY
ALEX GOALI
FRED FARIHA
CARSON LEBASI
PALIX URIM
GABRIEL DOSI
JOACHIM YAKLO
SILAS WAKORE

Ol i ken slip wantaim bel isi.

Minista bilong Difens
Hon. Paul Tohian

NIUSPEPA BILONG NIUGINI STREET

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

28 pes

Namba 965

Wik i stat long Trinde, Desemba 30, 1992.

40 toea

MOROBE TINPIS STAP HAIT YET

Gavman:
Niuslain
helpim
ol BRA:

FRANCIS ULIAU i raitim

NO GAT kila tok i kamap yet long wanem hap nupela tinpis fektor bilong ol long Morobe provins bai stap long en.

Na ol lain long Dipatmen bilong Morobe wantaim provinsal Lens opis i no save long wanem samting i kamap nau. Bikos ol i tok, oigeta samting i kamap tasol long opis bilong Tred na Industri long Mosbi. Na no gat gupela toktok na wokbung i save kamap wantaim ol lain long provins.

Seketeri bilong Morobe provins.

- Plis opisa joinim NCDC bod...p2
- Glasim 1992...p3
- Is Sepik baset...p5

Manasupe Zurehuoc i tok em yet i no kila long wanem hap dispela nupela tinpis fektor bai sanap long en. Bikos i gat planti kamap tok tok i stap yet.

Em i tok nau, ol i wetim tasol rpot olong ol lain long Tred na Industri husat i bin go long Malesia wantaim ministia David Mai. Na bihain long Nu Ya, ating em bai inap klaim ol dispela samting.

Long 14 Novemba i go inap long 21 Novemba, 7-pela opisa bilong gavman i bin go long Malesia na Filipin Ailan bilong sekap long ol tinpis bisnis long hap. Na ol bai givim ol rpot i go long bos bilong dipatmen long namba wan wik bilong neks ya.

Namel long ol 7-pela opisa ya em wanpela bilong Enviromen na Konsevesen, Fainens na Plening, Lae Siti Atoriti, Morobe provinsal gavman na tripela long dipatmen bilong Tred na Industri.

Long wankain taim, rpot i kam long provinsal Lens opis long Lae i tok ol no save long wanem samting i kamap nau. Bikos ol lain long Tred na Industri i no toktok stret wantaim ol.

Mipela i save tasol long dispela ol samting long niuspepa, "wanpela opisa bilong dipatmen i tok. Em i tok tu oisem Tred na Industri bin mekim wanikain samting tu long ol lain go moa long pes 2



Goroka brukim la... Long las mun, G EHP Kapitel Atoriti i bin tambu long ol pip long ol rot na maket. Tasol ol pipel i wok mit bilong sipsip na ol kalkai oisem.

GAVMAN i tok oisem o niusman i wok long helpim ol BRA long saiensimpawabilongen long Bogenvil. Man husat i lukautim nius bilong Bogenvil. Franzalbert Joku i tok dispela i wok long daunim strong bilong ol lain husat i laik stretim hevi long hap. Dispela tok i bihain wanpela 3 pes rpot insait long Post Courier long toktok bilong wanpela men loya bilong Australia, Rosemary Gillespie husat i stap long Bogenvil. Gillespie i bin tok oisem ol seyuntitos i lusim itakara rot na Tunuru misin. Misin...


Nupela mak bilong ne i dau

MESERY GUBAG i raitim

Ol lain husat em kismas bai anit long 21 kismas na wan... ol leba bai kismas... var-pela wik stat long... Industri Registrasi

40T

tasol!



• Ragbi lig gem long Goroka long las wiken namel long Lae Bisket Tigers na Angco Brothers.



Taim bilong amamas.... Dispela ol pilala bilong United Sisters i amamas tru taim ol i winim Karanas long las wiken. Na long dispela wik Sarere ol bai pilaim Kabiu long gren fainal. Dispela em gren fainal bilong ol meri long Madang sofbal resis. *Poto Ben Taumai.*



• Dispela tupela pilala bilong Tigers na Brothers i resis long kisim bal. Dispela em ragbi lig gem long Goroka long las wiken.



• Danny Mol bilong West i sallim bal i go long Michael Tolvita husat i givim beksalt long kemera. West i bin pillai wantaim Air Niugini long las wik na winim dispela gem wantaim 22-16 skoa. *Poto Henry Morabang.*



• Dispela pilala bilong Tigers i painim hat tru long ranawe long birua pilala bilong Brothers.



• Oipela Kumul pilala Lauta Atol bilong Magani namel long plksa i tromol bal i go long wan pilala bilong em Bob Morokai long railthan. Magani i bin pillai wantaim Difens na ol i lus long 26-14 skoa.

*Isi long mi....*Dispela pilala bilong Lae Bisket Tigers i kisim taim stret long strong-pela takel tupela pilala bilong Nngco Brothers i wokim long em. Dispela em ragbi lig gem we i bin kamap long Goroka long las wiken. *Poto Sape Metta.*

Las gem na ol meri Mosbi kirapim das

MESERY GUBAG i raitim

LAS GEM bilong raun 2 long sof-bal gem bilong ol A gretmeri long Mosbi bai kamap long dispela wiken.

Bihain long dispela, ol top 5-pela tim bai go insait long semi final gem bilong ol. Ol opisal nau i lukluk long pilai bilong ol tim insait long A gret.

Bikos tim husat i no pilai gut long dispela sisen bai go daun long B gret neks sisen. Elcom na Chebu i stap long dispela mak.

Na ol i gat wanpela sans tasol long sevim ol yet. Dispela em long gem bilong ol long dispela wiken. Wanem tim i lus bai go long B gret. Na wanem tim i win bai stap yet long A gret.

Strongpela pait nau bai kirap namel long ol tim husat i holim ol namba wan 5-pela posisen

insait long resis. Ol tim ya em Mazda, Gazelle, Fuji, Royals na Wantoks.

Olgeta yet i gat wan wan stail bilong ol long pilai. Na sapos ol na i skelim ol yet gut tru. Na lukluk long ol hap we ol narapela i no gutpela tumas long en na pilai, ol inap long go insait long final.

Mazda i stap antap long poin lata. Tasol ol i no ken larim dispela tingting i bagarapim gem

bilong ol. Planti ol gutpela tim i save lus bikos ol i save lukdaun long ol arapela. Gazelle tu i mas tingim dispela.

Gem bilong ol Fuji i gutpela tru. Tasol ol i mas bosim gut ol spes namel long namba tu na tri bes na aufil. Wantoks tu i mas was long dispela eria.

Royals i gat ol gutpela beta. Sapos ol i lukluk gut long paitim ol bal, em bai gutpela. Ol i mas

lukluk long ol pilaia bilong ol arapela tim na paitim bal. Na taim ol i paitim, ol i no ken salim bal i go antap tumas we ol pilaia i ken ron na ketsim.

Wanpela bikpela samting nau olgeta tim i mas lukluk long en em dispela. Ol i mas stadi long ol hap we ol narapela tim i no gutpela tumas long en. Na pilai long traim daunim ol long dispela eria.

Nipa statim pinis resis bilong 4-pela pilai

WINIS MAP i raitim

NIPA distrik insait long Sauten Hailans i statim pinis pri sisen gem bilong basketbal, volibal, soka na ragbi lig.

Mendi em i wanpela distrik. Tasol ol lain husat i go pas long wan wan spot i mekim bikpela wok tru long kamapim ol dispela pilai. Dispela i soim olsem sapos ol opisal na klap i wokbung, olgeta samting bai kamap gut.

Provinsal spot kodineta, Robert Kobol i givim bikpela tok amamas bilong em i go long ol plisman husat i stap long Nipa distrik.

"Dispela ol plisman i mekim bikpela wok tru long kamapim ol kain kain pilai long Nipa," Kobol i tok.


Ol plisman bilong Nipa i no was tasol long painim ol trabel man. Nogat. Ol i go pas na kamapim kain kain pilai. Kain pasin ol plisman i wokim i gutpela na bungim ol pipel wantaim ol.

"Sapos planti plisman insait long kantri i go na stap klostu wantaim ol pipel, planti bai amamas long wok wantaim ol."


Olgeta spot asosiesen insait long Sauten Hailans i wok long pilai gut. Nipa tasol i bin bungim liklik hevi long las wiken. Wanpela basketbal pilaia i bin brukim han bilong em.

Aol Nemom bilong Royals basketbal tim i bin brukim han taim em i kalap long rausim bal.

Mejik Manjin traim pawa long Madang gren fainal



• Anne i laik paitim bal



• Anne i paitim bal



• Anne i paitim bal pinis na ran

BEN TAUMAI i raitim

Nem: Anne "Magic" (Madang)
Manjin **Posisen:** Namba wan bes
Ples: Kaminampit
Provins: Is Sepik **Wok:** Sinia lons opisa,
Klap: United Sisters Egrikalsa Beng long

Madang
Bikpela gem: Makim Elcom tim bilong Madang na go long Yonki long nesanel Elcom tonamen long 1992.
Bilong wanem na yu pilai sofbal: Bikos mi save bungim planti ol pipel na stori wantaim ol long ples bilong pilai.
Fevret kalkai: Olgeta

kaikai, bikman i wokim bilong yumi long kaikai.
Bikpela tingting: Laik lukim United Sisters i winim gren fainal long dispela wiken.
Liklik stori: Long dispela wiken taim United Sisters i bungim Kabi, wanpela meri husat bai amamas em Anne Manjin. Bikos dispela em i namba wan taim

Manjin bai pilai long gren fainal. Stat long taim em pilai sofbal long 1970, Anne i no bin pilai gren fainal.
Bikpela tingting bilong Anne em long winim gren fainal. Na sapos tim bilong em United Sisters i win dispela bai namba wan taim em i pilai sofbal na winim gren fainal.

SP helpim gen inta siti ragbi lig resis

SP HOLDINGS em wanpela kampani insait long kantri em i save givim mani long ol kain kain pilai olgeta yia.

Olsem na long las wik Fraide, SP Holdings i givim wanpela K80,000 sek i go long Papua Niugini Ragbi Futbol Lig (PNGRFL).

Jenerel menesa bilong SP Holdings, Ton Blum i makim kampani bilong em na givim dispela sek i go long presiden bilong PNGRFL, Joseph Keviam.

Mista Blum i givim dispela sek i go long Mista Keviam long wanpela bung bilong tokaut long 1993 SP-Inta Siti Kap resis. Na PNGRFL bai yusim dispela mani long ranim ol wok bilong dispela resis.

Long ol toktok bilong em, Mista Blum i tok em i amamas tru long wanpela Vipers ragbi lig tim

bilong Mosbi. Long wanem dispela tim i bin kamapim gutpela pilai taim em i stap insait long Wol lig Sevens resis long Sidni, Australia.

"Ol pilaia bilong Pot Mosbi Vipers i soim gutpela eksampel. Sapos yu husat i laik kisim wanpela gutpela samting, orait yu mas wokhat wantaim wanpela tingting tasol. Na wokhat bilong yu tasol bai givim yu dispela samting," Mista Blum i tok.

Em i tok dispela i soim klia olsem helpim em SP Holdings i givim i no go nating. Nogat.

Em i tok long dispela yia, i gat 6-pela tim bai pilai long SP-Inta Siti Kap. Ol dispela 6-pela tim ya em Wamp Nga Hagen Eagles, Pot Mosbi Vipers, Colins na Leahy Goroka Lahanis, Lae Builders na Konstraksen Bombers, Island Aviation Rabaul Guria na Curtain Kutubu Join Venja Mendi Muruk.



•Dispela 6-pela yangpela meri ya i putim ol yunifom we 6-pela tim bal yusim long pilai resis long SP Inta-Siti Kap.



BENSON & HEDGES SOKA

Wantok

INSAIT LONG SPOT :

- Ol meri Mosbi kirapim das long las sofbal pilai...p25
- Moa hevi long Vanimo...p26



SP INTA-SITI RESIS STAT...p25

- Ol LFA referi kisim moa skol...p27
- Mosbi soka resis kamap gen...p27
- Goroka 7-asait tonamen tu gat kik..p27

MADANG SOFBAL GREN FAINAL: United Sisters lukluk long bekim dinau egens Kabi

BEN TAUMAI i raitim

UNITED Sisters bai traim long bekim dinau bilong las yia taim ol i bungim Kabi long gren fainal bilong ol A gret meri long dispela wik Sarere long Madang sofbal resis.

Las yia Kabi i bin nekim United Sisters na winim gren fainal. Olsem na long dispela wik Sarere, Sisters bai traim long bekim dinau bilong las yia.

United i gat olgeta as long nekim Kabi bikos taim sofbal sisen i stat, ol i stap namba wan long poin lata oltaim. Na taim bilong mesa semi fainal, ol i bin rausim tiket bilong Karanas na go stret wetim gren fainal.

Tasol United i

noken luk daun long Kabi. Kabi i bin pilai strong long daunbiloyet na kam antap inap ol bai go long gren fainal long dispela wiken.

Kosa bilong United, Makis Patonga i tok ol meri bilong em i redi na sambai tasol long kirap das long Sarere. Kepten bilong Kabi, Judith Zale i tok tu olsem ol pilaia bilong em i redi tasol long bungim salens bilong United.

Zale i tok nau ol i save trening 4-pela de stat long las wik yet. Na em i bilip olsem ol pilaia bai yusim wankain gem plen em ol i save yusim long i go moa long pes 27



Ol i laik kungfu o pilai soka? Susa ya Alice Singua bilong NBC i traim mak bilong Hausing tasol i popala, bai i pas long lek bilong Ricky Sola. Singua wantaim ol meri NBC i no strong na ol meri Hausing i winim ol 1-0. Photo: Henry Morabang

Narakain kik nau long Mosbi

WINIS MAP i raitim

KIK bilong Mosbi Soka Asosiesen (PMSA) long dispela yia bai narakain liklik winim bilong ol yia i go pinis.

PMSA aninit long lukaut bilong Presiden Posman Kisaku long dispela yia i laik kamapim bikpela moa soka insait long Mosbi. Dispela yia Kisaku wantaim ol opisal bilong em i kamapim planti nupela plen, em planti manmeri bai amamas long bihainim.

Bai i gat 12-pela divisen i kik, dispela i winim bilong bipo we i gat 6-pela divisen. Dispela ol 6-pela divisen em primia, primia risev, namba wan, namba tu, anda 19 na wimens.

Dispela yia ol i gat 12-pela divisen, wan wan divisen bai i gat 6-pela tim. Dispela ol divisen em primia 1, primia 2, namba wan, namba tu, namba tri, namba foa, mens open lig, mastas divisen, wimens 1, wimens 2, wimens 3 na wimens open lig.

Long kliam tingting, open lig bilong ol man na meri em ol nupela tim bilong ol man na meri husat i no bin kik long las yia.

PMSA bai putim ol nupela tim husat i laik kik long dispela yia long open lig. Mastas divisen em bilong ol olupela biknem klap long Mosbi olsem Guria, Yunivesiti, GFC, Sobou, Morobe United na Rapatona. Ol pilaia bilong dispela ol klap mas i gat 36 krimas na antap sapos ol i laik kik long mastas divisen.

Hia em nem bilong ol tim husat bai pilai long dispela ol divisen. Ol opisal bilong PMSA yet i skelim ol tim bihainim kik bilong ol long las yia

na putim ol long wan wan divisen. Olgeta divisen bai i gat 6-pela tim.

Nem bilong ol tim na dvisen ol i stap long em i sanap olsem: Guria, Yunivesiti, Rapatona, Kurti Andra, Westpac, GFC (primia 1), Koupa Morobe United, Sobou, Moukasi, Verave (primia 2), Golo, BFC, PTC, Sunam, Maset, Amazon Bay (namba wan divisen), Difens, Wanzesi, STC, Boroko United, Kula, Tarangau (namba tu divisen), P.S Roots, Hoods, Fiska, Waliya, Kinhill Krammer, Mt Obree (namba tri divisen), Buresong, PMGH, Cloudy Bay, Tubi, T. Yellow Pages (namba foa divisen), Murat, Tama Rocks, Keweh, Daka Streets, Batisalem, Katumani, Maniota, Babaka (mens open lig), Guria, Yunivesiti, GFC, Sobou, Morobe United, Rapatona (mastas divisen), Sunam Wanzesi, PTC, Guria, Yunivesiti, GFC (wimens 1), Waliya, Morobe United, Sobou, Sogeri, Kurti Andra, Tarangau (wimens 2), Blu Kumuls, Kula, T. Yellow Pages, PMGH, BFC, Koupa (wimens 3) LSC, Golo, Murat na Rapatona (wimens open lig).

Tasol sapos sampela tim husat i bin pilai long las yia i no rejista, ol bai stapim open lig na larim ol dispela tim long open lig long kisim ples bilong ol tim i no rejista.

PMSA i wokim dispela senis long kirapim bikpela moa soka long Mosbi. Bikpela astingting em long wokim resis i kamap strong.



Spak Maik

MI NOGUT OZ?



TAIM MAIK I HARIM OLSEM...
KARAI BILONG EM I PINIS...



K10,000 BILONG MI?!!

MAIK INO BILIP OLSEM P.M I LUSIM
K10,000 BILONG EM I STAP...



EM NAI!
GO KISIM LONG
FAINENS DIPAT-
MEN!

AIYOO!
P.M I NO LIS
TINGTING LONG
MI! (SNIFF!)

BAGA INO WET... EM SUT TASOL
I GO LONG FAINENS OPIS...



PASIM
OPIS! EM
WAN WIK
OFF BILONG
YUMI TUPELA
!!

ISI YAH,
MINISTA! NOGUT
PALAMEN HAKS,
I PUNDAUN.

EM KISIM MOAI PINIS NA GO
AUTIM HAIYUNDAI BILONG EM
LONG WOKSOP BILONG VASI...



TENKS, VASI! KIP DA
SENS!... NO HAD FILINS
NA LUKIM YU BIHAIN!!

VASI

NOKEN
KAM
BEK

NAU EM I GO LONG ISLANDER
HOTEL NA RILEX GUT TRU LONG
HAP...



EM NAI!
MI SAVE WOK HAT TRU LONG
BILDIM AP DISPELA KANTREI...
NAU MI MALOLO!

HUSAT
DISPELA
KANAKA, YA?
PLES I TUDAK
NA WERIM
AIGLAS, YET.

TAIM BILONG DISKO NA BAGA
NOGUT GIVIM STRET...



WALA! WALA!
HUBIDUBI! DATS
IT BEIBE!!

INO LAU!



REBO

REBO SINDAUN NA TINGTING PLANTI I STAP...

BAI MI MEKIM WANEM?.. MI LAIK STAP LONG HIA.. TASOL GUTPELA BOS BILONG MI BAI GO NA EM I LAIK MI GO BEK NA KISM PLES BILONG EM..

KAMON REBO.. TOKTOK LIKLIK! MAUS I PAS, AH?.. KAMON DRINK-AP! BIA HOT NAU!

TINGTING BILONG REBO I NO STRET...

POL SMITH EM GUTPELA BOS BILONG MI... EM YET I BIN TRE-NIM MI NA SALIM MI IKAM LONG HIA... TASOL MI...

MASKI TINGTING PLANTI, REBO! GO NA TOKTOK WAN-TAIM OL FEANLI PASTAM!

HEY? EM GUTPELA AI-DIA! YU TU MAS KAM NA DINA WAN-TAIM MIFEPA.

APINUN NAU REBO TOKTOK WANTAIM EMILY NA AUDA...

EMILY, OLPELA BOS BILONG MI I LAIK YUMI GO BEK LONG MOSBI... EM BAI KUSIM KANTRI NA EM I LAIK MI KISM PLES (EILONG EM)!

GO BEK?! MI NO SAVE!... YU YET YU ME-KIM DISISEN...

MAIK I TOK KLIA LONG EMILY...

EMILY.. HARIM GUT.. SAPOS REBO IKISIM DISPELA POSISEN, EM I BIKPELA PROMOSEN LONG EM... BIKPELA HAUS, KAR, PE BILONG EM TU.. HELT INSU-RENS, NA EDUKESEN...

UAM! MI LAIK MI AI-DIA.. TASOL

AUDA... MAI SAN, YU TING OLSEM WANEM?.. YUMI GO BEK LONG MOSBI O YUMI STAP BEK HIA?...

!?!?

MI NO SAVE TRU, PAPS... MI MEKIM PLANTI PREN LONG SKUL NA MI TINGTING PLANTI...

NEKS DE LONG OPIS... REBO TINGTING PLANTI LONG OL WOK MAN MERI BILONG EM...

SHEESH! MI TRENIM OL BOI GUT TRU LONG PILAI RAGBI NA SAPOS MI KUSIM OL, EM BAI OLSEM WANEM NAU?

NEW YEARS SPECIAL!
INTEGRITY *

RICE COOKER OR TOASTER



RICE COOKER

- Choice of 3 models
- UR18c (1.8L) K49.95
 - UR22c (2.2L) K59.95
 - UR28c (2.8 L) K69.95



Cool Touch
Electronic 2 Slice
Toaster
only
K32.95

Brian Bell Stores

Prices may vary outside main centres

Musik Televison na Komik

EM TV

PNG TOP 20

AS AT 27/02/93

NO.	SONG	ARTIST
1 (1)	Peace In PNG	G. Telek & Friends
2 (3)	Rowena	Barike
3 (2)	Bilas Peles	George Telek
4 (4)	He Turned My Morning	Sikal Kelep
5 (7)	Local Ragge	B. Greg/C. Kivovon
6 (6)	Boram Sunset	George Telek
7 (5)	Ailan Bilong Mi	Shutdown
8 (14)	If Ever I Say Goodbye	Kopex
9 (8)	Krai Bilong Ol Grasriuts	Kopex
10 (9)	Swit Bougainville	Trouble Zone Band
11 (13)	Anita	J. Wong/G. Telek
12 (11)	Iau Serious	Painim Wok
13 (12)	Sila	Memehusa
14 (10)	Poin Palavat	Kanai Pineri
15 (15)	Namisali	G. Telek/H. Kuskus
16 (16)	Pus Stat	Norman Kavanamur
17 (19)	Talaigu	Painim Wok
18 (0)	Vegby Tugamagimi	Rabbie Gamenu
19 (18)	Mi Save Wari Tru	George Telek
20 (17)	Betty Betty	Rabbie Gamenu

• Ratings based on requests on Radio Kalang and not cassette sales.



• Kranget Yut Ben.

THURSDAY 4TH MARCH, 1993		MIDDAY (CA)		9.00 BURKE'S BACKYARD(G)	
5.27	STATION OPEN	3.00	KIDS KONA	10.00	HAWAI 5-0 (PGR)
5.30	ITN NEWS (G)	4.00	SESAME STREET	11.00	"Legacy of Terror" NATIONAL EMTV NEWS (Replay)
6.00	TODAY SHOW (CA)	4.30	FAT CAT (G)	11.52	MEDIATION WITH PASTOR WALO ARNI
8.00	STATION CLOSE (G)	5.00	SCOOBY DO WHERE ARE YOU	11.30	STATION CLOSE
1.27	STATION RE-OPEN	5.27	TEENAGE MUTANT NINJA TURTLES (G)	SUNDAY 7TH MARCH, 1993	
1.30	RAY MARTIN (CA)	5.29	EMTV TOK SAVE	10.57	STATION OPEN
3.00	KIDS KONA	5.30	EMTV NEWS BREAK	11.00	WIDE WORLD OF SPORTS (G)
3.00	SESAME STREET (G)	6.00	HOME AND AWAY (G)	1.00	BUSINESS SUNDAY (G)
4.00	FAT CAT	6.00	NATIONAL EMTV NEWS	2.00	SUNDAY (CA)
4.30	SCOOBY DOO (G)	6.30	A CURRENT AFFAIR(CA)	3.30	MY LAND, MY PLACE, MY PEOPLE: (G)
5.00	WHERE ARE YOU	7.00	SALE OF THE CENTURY (G)	3.47	MUSIC NEW RELEASE
5.00	TEENAGE MUTANT NINJA TURTLES (G)	7.25	MUSIC NEW RELEASE	4.00	SPORTS SUNDAY (G)
5.27	EMTV TOK SAVE	7.30	RUGBY LEAGUE CHALLENGE GRAND FINAL	6.00	NATIONAL EMTV NEWS (G)
5.30	HOME AND AWAY (G)	9.30	NCDC NEWS	6.30	SPECIAL (G)
6.00	NATIONAL EMTV NEWS	9.35	NEIGHBOURS (G)	7.25	EMTV TOK SAVE
6.30	A CURRENT AFFAIR (CA)	10.00	FRIDAY NIGHT MOVIE: "Grey Fox" (M)	7.30	60 MINUTES (G)
7.00	SALE OF THE CENTURY (G)	11.30	NATIONAL EMTV NEWS	8.30	SUNDAY NIGHT MOVIE: "Macaroni" (PGR)
7.25	MUSIC NEW RELEASE	11.57	Replay	9.55	CHIT CHAT WITH SIR PAULIA MATANE
7.30	NEIGHBOURS (G)	00.00	MEDIATION WITH PASTOR WALO ARNI	10.00	GUNSMOKE (G)
8.00	FIZZ (G)	SATURDAY 6TH MARCH, 1993		11.00	NATIONAL EM-TV NEWS
8.57	TOK SAVE	10.27	STATION RE-OPEN	11.27	MEDIATION WITH PASTOR WALO ARNI
9.00	HEY DAD (G)	10.30	SKY ROCK (G)	11.30	STATION CLOSE
9.55	MUSIC NEW RELEASE	12.00	WIDE WORLD OF SPORTS (G)		
10.00	A COUNTRY PRACTICE (G)	4.00	GILLETTE (G)		
11.00	NATIONAL EMTV NEWS REPLAY	4.30	THE ADVENTURES OF SEASPRAY (G)		
11.27	MEDIATION WITH PASTOR WALO ARNI	5.00	"The Fugitive"		
11.30	STATION CLOSE	5.55	BEYOND 2000 (G)		
		6.00	MUSIC RELEASE NATIONAL EMTV NEWS		
		6.30	HEY IT'S SATURDAY (G)		
		8.30	FOCUS (CA)		

G - General Exhibition
CA - Current Affair
PGR - Parental Guidance Required
M - Mature Audience

RAUN BILONG SUZ NA UKI wantaim CHIEF

TRAIPELA REN NA CHIEF INO INAP LUK-LUK LONG ROT NA EMI STOPIM KAR...

YIMI WET IGO REN I PINIS... MI INAP LUK LUK GUT!

TASOL CHIEF... EIA BAI TUDAK NAU YAH!! TRAIM LAIT BILONG KAR!

NAU CHIEF I ONIM LAIT BILONG KAR NA OLGETA PLES IKLIA GUT TRU LONG TRAIPELA REN...

HEY, UKI! YU TOK STRET, YAH! OLGETA PLES IKLIA GUT TRU!

HA! HA! HA! NA YU TING LAIT BILONG SUZUKI CHIEF I OL SEM KEROSIN I AM AH?

NAIT NALI OL IKAM KAMAP LONG LAE..

SUZ! UKI! YIMI KAM PINIS LONG LAE. "OH... OL I SILIP PINIS..."

ZZ ZZ

OL IKAM KAMAP LONG LAE LONG TRAIPELA NAIT STRET... BAI OL I PAINIM HAUS BILONG TUMBUNA O NOGAT? MOA NEKS WIK!

Ol askim bilong Wantok

Winim wanpela WANTOK rop bilong hangamapim ki.

(Wanem samting yu mekim em long bekim
tasol ol askim i stap daunbilo)



- 1. Hamas yia yu baim Wantok? 1-pela tripela moa long 5-pela
- 2. Em isi o hatwok long painim na baim Wantok? isi hatwok
- 3. Yu baim Wantok long stua o long ol manki long strit? stua manki
- 4. Taim yu baim Wantok, wanem hap bilong niuspepa yu save ritim pastaim?
- 5. Yu amamas long ritim wanem hap tru long Wantok?

Makim ol tripela yu laikim tru. No ken makim moa long tripela.

- Spot Toro Tu Minit Tingting
- Wol Nius Stori Tumbuna Biabia
- Ol pas Plis ripot Rebo
- Provins Nius Laiplain Spak Maik
- Ragbi lig nius Kanage Musik/Television

- 6. Kolim nem bilong tupela samting yu les long ritim
 - a)
 - b)

7. Wanem ol Wantok resis yu laikim?

- Wantok bingo- yes nogat
- Namba resis- yes nogat
- Painim hamas mani yes nogat
- Ol arapela

8. Taim yu ritim Wantok pinis, hamas moa manmeri save ritim?
Raitim namba bilong ol manmeri

9. Yu save laikim ol Wantok spesel/saplimen o nogat?
 yes nogat

10. Wanem arapela samting yu laik bai kamap long Wantok Niuspepa?

- a).....
- b).....
- c).....
- d).....

11. Yu laik lukim moa poto o moa stori long Wantok?
 moa stori
 moa poto

12. Wanem samting bilong bipo yu laikim bai kamap gen?

- a)
- b)

13. Wanem ol arapela niuspepa tu em yu save ritim. Makim long bokis.

- PNG Times
- Weekend Sports
- PNG Business
- Post Courier

14. Yu save lukim televisen tu o nogat?

- Yesa
- Nogat

15. Yu save harim redio tu o nogat?

- Yesa
- Nogat

Nem bilong yu: Adres:

Krismas bilong yu: P.O. Box

* Salim i kam long:
Wantok Askim
P.O. Box 1982,
Boroko, N.C.D.

* Sapos yu stap klostu long ol dispela hap long daunbilo, go long ol na putim bekim bilong yu long bokis ol bai putim i stap:

LAE: Voco Point Trading
P.O. Box 615,
Lae, M.P.

MADANG: T. Tam Yan,
P.O. Box 19,
Madang.

RABAUL: Barike Trading
P.O. Box 1074,
Rabaul, E.N.B.P.

HAGEN: John Fosters
P.O. Box 76,
Mt Hagen, W.H.P.

GOROKA: Bintangor Trading
P.O. Box 3,
Goroka, E.H.P.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.